

秀山縣志卷第二

地志第一之二 山水

太陽山縣西一百廿里邑梅水出焉

記曰兩山之間必有川焉蜀黔之交跨山連谷其下迴溪蟠注澗壑叢攢太陽山者縣西界大山也延袤百餘里靡莽湮翳徑跡荒歇然其黛嶠干空丹暉舒景霏光溢采晶爛鮮施極眺覽之恢麗也山因受名其西分水險阻黔邊邑梅水所出齊召南以爲酉水南源也始源至微散漫沙石綠落縈拂灌木叢蔭水經注曰酉水導源故武陵之充縣酉源山漢書地理志充縣注亦云酉原山西水所出至沅陵入沅行千二百里按二書說澧水亦導源充縣今攷二水竝出湖北宣

卷二

地志

一

恩縣界則今宣恩漢充縣地也說具酉水條中自來說此水者未聞別源次風水道之書號稱詳覈茲乃馮虛導穴鑿空尋流地望舛隔泉脈非實誠由采聽之疏亦圖經依附之通蔽也

東南流五十里屆廢邑梅司北遵岫水自南來入之

邑梅水間關山谷南流十里屆雲隘往時諸司襍居仍構兵衅因地守險輒顯隘稱若隘山隘口及茲是也邑梅水南合眾小水又東南得大溪小溪二水水竝源於太陽山巒咀合沓林木疏映土故宜杉良逾他產匠石尋斤所偃憩也邑梅水又東逕官棚陷屈北南流得馬溺水又東南得紅沙雲頭中溪貴乙四溪水巖泉傾注迴澗通波春潦方集居然彌望

南流至凱賀爲凱過河一統志以爲凱歌也自源至此約卅許里明萬曆時邑梅土官楊光斗從官軍討貴州叛苗凱還於此受賀地因爲名顧景范方輿紀要謂水旁有凱子砦行者至此過渡故曰凱過顧甯人云行旅臨河必謳而渡歌過一聲望文附義殊乖本事古地舊名土人耆老流傳爲實賢於文士記著矣邑梅水又南逕鍾靈山山有古剎構置未詳何代荔瓦蘿垣衿帶谿礪脩竹樂娟彌崖無際貴陽黃佐嘉鍾靈山寺詩云不盡黔山綠登臨正憶鄉水侵樓影活花潤磬聲涼聽雨尋殘夢捫煙踏上方梅江寒瀾瀾凭望極蒼茫邑梅水迤邐北受眾小水水竝緣山左右汎萍帶藻寥曠清蔚禪栖之幽勝矣又東流廿里逕岑團其北有團山紀要云團山山勢團聳今俗曰擎團山以團團如擎地流斯稱從山名也

卷二

地志

二

或云山下舊多岑姓團結而居岑擎聲近字由讀改展轉傳譌遂成附會山形部婁有如覆鐘故亦名鐘山西北又有鼎柱山抗峰疏秀景范以爲三山齊聳屹如鼎峙也邑梅水又東北三里屆廢邑梅司北邑梅之名自趙宋以來見於著錄理宗淳佑十二年八也孟溪土同知楊通晟子光輔字高殿开辟榛萊曰邑梅洞元世更名之佛鄉矣在昔荒阻夷獠豪酋聚落並謂之洞猶後代之言都邑非必棲處巖穴迺顯茲稱邑梅水東逕其故城北城爲明世土官楊通賢所築背嶠臨水交波流黛年世綿絕垣堞荒虛有土官所鑿蓮花池廣周數畝曩時沼榭芳麗矜靡一時至今猶流官塘之目矣徐映

台詩云當年朱戶賸荒涼亂石寒泉滿野塘燕子飄零花落盡空餘春恨送斜陽邑梅水東流合遵

岫水水源於廢司西之壽山層巘嶇嶇虧蔽曦月林木攢靄
流泉成韻始源曰十里溝脩嵐夾瀨橫岡帶流故又受名遵
岫也東南逕崖壘壘旁有蜈蚣山巒阜叢沓肖狀爲名山下
石洞嵌深中遺舊刻有今日相見三人同作一息天十一字
猶可尋識莫詳爲何代所畱也洞泉下流積爲澄潭山民嘗
造堰引水經夕片石無存眾情驚愕旣迺具牲禮祠緯蓬障
澗而潭水頓涸未知物理所由然也遵岫水又東流屈北得
地澄溪水水源司南山谷中一統志云溪水清澈可鑿毛髮
今按邑梅南界舊有地澄之名故溪援斯稱統志之說難云
信證溪水東北入遵岫水合流至寨瓦得二小水又東逕黃
牛山山周十餘里二顧氏書並云土官楊四舟高殿自烏羅

卷二

地志

三

遷此以土膏宜稼喜而椎牛因被黃牛之名宋土官楊光輔
字高殿四舟或云字謨所未詳也上有泰山營廢址爲鄉人
屯保舊地西南開啓洞穴幽曠絕倫縣人王繩祖刻銘洞石
矜爲神麗之都宅玄宗之勝棲又西南爲韭山相傳昔人遺
韭山上經時滋衍至今猶蘩翠葉嫋風長如垂帶望之緣坡
蒙綠時人稱爲仙種圖經舊記多采錄之固亦南方艸木殊
狀競傳以爲後生異聞之資也王達琮韭山詩云韭葉難同
松柏勁韭花聊共桂薑辛自
從種向仙人手萬
古青山獨自春山下白沙井水泉清冽鄉人引渠溉田時
見赤虵傳爲神物遵岫水北流至廢邑梅司入邑梅水齊召
南所謂二水北合於司之北是也邑梅水又東逕青雲山亦
曰獅山土人又以隔水一山爲象山傾崖瀉波蕩青揚素極

登覽之勝也

王達琮游青雲山詩云山勢欲凌空奇峭疑天

青雲客重重踏蒼苔新痕印白石賈勇上翠微去天不咫尺
空空涌樓閣神像輝金碧山廚雲裏爨山菽巖邊摘落日聞
鯨鐘嵐光生絕壁歸遲月上筵肅罷雲侵席暝色暮蒼蒼
徘徊且自適愛茲清凡慮轉懷方外迹又與田佩珩登青雲
詩云古刹雲陰欲罩檐憑欄凝眺喜晴添梅溪暈綠環山遠
非嶺流青出霧尖樓建危峰瞻突兀觴開奎閣禮莊嚴臨風
頗有欣然意野草曇花笑自拈石磴鉤連直到巔仙風御我
自翛然水如燕尾雙開翦山似烏峰獨插天野老穿雲喧落
葉鳴禽過寺帶飛煙徘徊不覺歸來晚明月團圓照碧川又
和參將長蔭庭登獅山詩云聳身高踞白雲岑儘有清幽俗
不侵飛鳥偶然鳴古樹大獅時復吼禪林羣山萬壑當軒豁
緩帶輕裘此日臨更向危峰吹玉笛滿城風送鳳鸞音煙裏
簾蘿古徑攀御風疑已出塵寰羣山轟轟復尤復二水溶溶
灣復灣雲外清鐘聲窅坎林間幽鳥語綿蠻新詩應有紗籠
壁好待朝天去再還吳永飛游青雲山詩云一片斜陽野色
濃杖藜徑入白雲峯閒情不管歸來暮坐聽山僧打晚鐘瀾
瀾寒濤蕩碧蕪青絲箬樂為漁羨
他鷗鷺江心裏如此風波總自如
小際元天觀廣濟寺皆

前代遺構丹艘不鮮故老云乾隆廿七年神降元天觀中垂

卷二

地志

四

示記文題名為唐道士呂純陽呂故文士而記製俚襍固知

依艸附木虛冒仙靈矣咸豐時有唐甲吳乙行樵北巘山半

舊有石洞偶入榻休見石臺上皮鐵兜鍪形製殊偉繡澀斑

爛非近代物洞壁刻字數行翠黏落落而巖牀虛淨有如新

拭相視悚息尋途遽歸時為人言之亦莫敢重至也土俗相

傳有落洞之異其人曹冥僵臥離魂虛往所至朱門洞闌勢

擬王侯有一里婦被攝當還私取雞肋握之意覘冥應醒視

則蚣蝮雙股宛然畱把迹涉芒忽而事皆近驗難以恆理言

矣故守備楊再經妻張恭人嫠居雅素一夕夢遇三女遮邀

至家遂房間靜文窗窈窕譚言微遠神檢灑然情款既洽競

誦新詩張皆闇記醒輒成誦自後間夕一逢亦無他異張故

識字而未解聲律都所記錄居然盈卷清婉多風時流怨響
縣士傳寫以爲仙詩一隅百里詭幻屢聞荒蟠虛深之境儻
靈怪之所都也市中有土主廟元世土官所建楊氏祭約云
土主廟祀湖耳青艸公湖耳今黎平屬地也傳云唐誠州刺
史楊再思第二子正韜字懷玉嘗爲湖耳等處防禦使其後
邑梅諸洞土官皆其苗裔故祠祀之据再思廟碑云蜀黔楚
粵所在尸祝祠宇巍崇稱曰廣惠王廟而夷獠祀之則曰青
草大王湖耳大王以湖耳青草皆王駐節之地也廣惠王者
楊氏譜稱爲元代追贈再思神號則廟祀再思相傳已舊諸
司垂歷數朝世其官土旣遠祖再思自是百世不遷之廟乃
顯號土主稱名乖禮後來未審或疑淫昏之祀今棖棟故在

卷二

地志

五

改祠大禹諸楊子姓數典或忘矣邑梅水東北流得冷水溪
水水源將軍山麓山在吏目場之西顧甯人云明太祖洪武
八年石耶土知府楊金龍款附改立長官司別置流官吏目
一員主其租稅此場當是分駐舊地因流吏目之名溪水南
流入邑梅水邑梅水又東北屈南受苗壩營水自此通波注
遠津涂寢闊漁舫估檣四時臻集焉王行之由王廣回詩云
桑柘濃陰合林間細路
分鐘聲度溪水鳥語入村雲浦闊春生漲巖幽晚帶曛草堂
遙在望歸詠亦欣欣王達琮梅江春游詩云古岸經春綠蒿
萊策杖游青山添野樹幽澗浴羣鷗節值農書進人欣稌事
修流觴依曲水懷古思悠悠又晚渡詩云野竹分秋靄空波
薄晚青殘霞看欲落三兩逗疏星

又東北流七里屈水到得漫溪水廿五里屈平碧得岑陽水又
東屈北廿里屈廢石耶司得貴羅水

紀要云漫溪出邑梅司南漫流東注今司南有水出總陰下漫瀾分流枝津四注卽漫溪也或曰平茶有漢溪一統志云哨溪東流合滿溪滿漫聲同漫漢形近文從讀變音由字改雖稱名已乖而波途由舊然景范明有司南之說乃遠求於平茶地望殊隔非其質矣總陰阨塞南偏翼空千尋連岡霏黛邑梅石耶二司間峰巒攢複迴皋曼衍皆附此陰因有總名漫溪數源合流東北逕滾龍坡得南來一水坡亦總陰之支阜崎嶇邊荒途徑紆盤黔漢傳警則此道先守稍南有秦寨營廢址尤阻險可馮並縣南形要也去營址西南十里爲雲羅壘以雲羅洞得名洞卽元代所討服九溪十八洞之一也壘踞崇厓削壁四遭乾隆時苗亂土目楊秀柏連引居民

卷二

地志

六

數千家結屯於此及松桃城陷流血滿郊獨此爲安壤矣

楊芳

雲羅壘詩云屏蔽西南半壁天登臨身近夕陽邊晚霞淡抹山光活新月平鋪黛色妍試問妖氛何日靜非茲保障幾人全二橋鎖斷雙江水動我禪機作隱賢雙保詩云蓼皋南望聳雲羅黛色蒼茫野趣多翠疊羣峰環洞口青迴一水抱山阿百年爭戰餘衰草一櫂漁舟漾綠波壘前臨水沿岸林阜可是封侯興王地四圍形勢鬱嵯峨

合沓果勇侯楊芳故宅並墓祠在焉縣地南至松桃郭門外松桃舊銅仁地也芳初以所居連近因冒銅仁籍入營充伍尋積功至提督封一等侯高勳洪伐炳然國史於是松桃秀山兩地之人嘗交爭之實則疆域灼在故廬未改溯其世系蓋縣中土著大姓故長官之苗裔也漫溪水又北流五里得陽雀溝水東北廿五里得晏農水水有二源並出松桃山中西流逕爆木山山有征苗大軍營陳之跡乾隆六十年總督

和琳督四川軍討黔楚叛苗苗黨拒阻於爆木山和琳揮兵薄山而戰黨眾潰走顛死踐仆填谷平塹迺刊木通道會福康安軍於松桃連營數十旌炬相望旂采蔽天角聲流野縣中用兵之盛邇未曾有也二水交流爆木山下西至晏農汎為晏農水汎所亦和琳屯軍舊地

綿州何人鶴正月十五日宿晏農詩云百錢沽酒酌

三鐘第一元宵宿晏農七十二營同望月寒光銷盡五谿烽

荒蔓委霜麥禾翳壠居人熙

熙稀聞戰事矣晏農水西流十里經天馬山黛巘連雲引帶交川昂昂之勢千空秀出水至山下與漫溪合又北流十五里屆水到折西入邑梅水水勢趣東而西曲如矩因被到名顛倒之誼與到同讀舊名相承通于段借也邑梅水又東流屈北逕寨蠟其西北有絞婁千戶舊址宋石耶洞土知府楊

卷二

地志

七

光隆五世孫正榮初以功授千戶駐絞婁其後遂為世官順治十五年酉陽宣慰使冉奇鑣歸誠以三千戶地屬之絞婁其一也邑梅水又東至凱幹得大溪水八里屆平瀾元成宗大德間楊昌奇為絞也土千戶分理平瀾迷漏等處番民卽此地也但絞也故址荒廢無存平瀾夾岸岡原藜複舊饒竹樹楊芳祖墓在焉芳初貧微宗郤散居及貴徧訪先世塋域至此得廢塚于張氏圃中封樹不完又無題誌傳云芳祖貧死無所歸骨外家張氏與地葬之而川巒藹秀映帶左右言形法者以為隆貴所自也水北綠皋暖衍清泉漩涌流波四溢故受平瀾之名土俗字譌書瀾為南失舊稱矣水南為貴洋溪崖谷細溜滙成幽澗引湍北流至平瀾入邑梅水又東

受西來一水水出新田溪東流八里經涼風洞合雲龍水又東入邑梅水邑梅水東北流三里屆平碧得岑陽水平碧亦宋元舊名水當岑陰之陽故時方語多著岑稱若地岑岑仰岑龍皆以名地莫知義訓所存也陰西南有川黔界碑南望諸山雲峰相亂岑陽水北流合龍洞水濺濺林石盪蒸雲氣潏鬱潤黛迴陌交綺又北流十里至平碧入邑梅水邑梅水又東屈北二十里屆廢石耶司南貴羅水自東來入之水源於縣南筭子坳筭字不見字書疑卽竿之別文土人通呼長矛爲筭子山舊多竹饒資兵用因流斯目或云筭字當作筭箭幹也玉篇讀竒爲公但切故有稗音山下澗泉數道會流東南屆貴羅爲貴羅水貴羅舊云鬼羅土夷重鬼引爲吉辭

卷二

地志

八

縣中凡以貴名地者初皆爲鬼後漸華習始一切忌改之鬼貴一聲貴又美號故四境改稱不謀悉同貴羅水東南至八排左合桂蘭溪水八排卽巴白亦元時舊名聲轉改字今綏甯汎屬有巴白塘猶相承無異水北有營盤田舊時土目楊仲武擊苗於巴白塘馮流安壘今廢址虛荒猶顯營盤之名或云乾隆末官軍征苗故營地也貴羅水又南逕忠寨汎重陰夾岫盤道如綫嶙嶒翼張迴流渟激胡志伊中寨道中詩云石氣冥冥漲夏涼盤山一徑嫺羊腸不愁行屨青落溼爲訪幽巖綠蕙香地盡邊荒聞戰伐時清租稅少流亡峨峨劔閣何曾險擬寫銘詞續孟陽向瀛秋日過中寨卽日有感詩曰匹馬東南萬里來看山臨水足徘徊波聲蕩澗干盤折天影垂巖一縫開游子心悲孤燕冷窮邊秋曉早鴻哀山貴羅水折西十許里受數花落盡空人跡招隱詩成枉費才

小水又西得那榜水水源貴州界之白竹山複嶂連雲藜嵐

藹秀山通小徑曲達松桃西爲貴靈山亦白竹連體積勢競高舊云有神棲止疾禱輒應故名鬼靈註取幽驗俗間沿習改字殊失稱名之指那牘水西流合貴同洛勝貴迷諸水澗溜淙注林樾苔響水西北有地名官墳蓋明世土官遺壠也貫羅水又西流二里屆青龍壘原隰鱗差平湍帶陌空煙升渚彌望清蔚官道旁有魯學興黃傳秀神道碑魯氏黃氏並稱饒富纓被亦顯傳秀從弟傳紳以蒲城知縣殉難遺愛在民 詔許於寶雞蒲城二縣建立專祠蓋異數也貴羅水清冒淺汴游鱗洁拂芳流鏡宇瑩波揚素自青龍壘西流三里入邑梅水邑梅水又北五里逕石耶廢司東齊召南云又流經石郎司爲石郎河郎耶形近字譌也郡國利病書言石耶

卷二

地志

九

洞本酉陽縣地宋宣和中楊昌安始據有之按昌安爲楊光隆子理宗淳佑中光隆隨父通晟略定諸洞以石耶爲順德軍民府光隆自爲土知府今司南霸靈山有光隆瑩兆碑題尙完顧氏之說爲疏舛矣甯人著書題名利病故頗詳於國政大故及流風舊俗地形要害至若攷沿革紀軼事非所急也或云光隆資性廓略好爲蕩游嘗從騎數十獵郊澤射麋兔炙割行酒意豁如也又喜言兵每登高眺遠慨然曰吾得精卒萬人沅施夷播方千里之地谿洞雖阻不足平也詞氣昂激聞者偉之雅不樂吏職洞事一切委之其子昌安故後世言石耶始祖有謂昌安者矣司介邑梅平茶間而疆域狹於二司故元明以後邑平各稱雄長獨此始終附庸酉陽霸

靈山去司治數里奇峰連嶸巨石嵌峯叢塚荒虛竝故明土
官舊壙也樵煙牧火積莽寒天表碣具列而行迹無述載筆
罕稱斯邦之陋若嘉名虛擁寥邈千齡霸圖無存靈氛奄徂
洵攷古所深憾增憑弔之歎喟耳徐映台早行望霸靈山詩云土府雄圖歇空山艸木
零古蒐春寂寂曉氣石冥冥野火燒新綠殘雲斷遠青崖泉初過雨猶襍蚌泥腥西陽冉正藻霸靈山覽古詩云崇巒澗
煙莽岩堯邈駟荒驅馬越春甸弭策眺迴岡夕陽下西陸肅肅陰崖蒼中有古蒐蒐采泚薦馨香森森墓門暗謾謾松風
涼白雲時興滅儻睹幽靈翔伊昔雄圖恢殊域該天網提劍起艸澤揮戈畫土疆運終五百年咄嗟就消亡華屋委榛露
隴木淹秋霜碑斷青苔澀山空綠又南火星山乃霸靈之旁
峰林木幽窅元夕嘗見火光出沒崖岫連蜷晶爛若魚龍百
戲故老傳云有年之祥也環司故饒林阜而皋原清曠水木
明瑟迤南峰巒秀攢陂陀交屬尤爲深蔚徐映台墓在焉松

卷二

地志

十

柏就零蒿蕭莫翦致足慨矣邑梅水北流逕餘慶橋修亭蔭
渚垂虹翼波林瀨清瑟雅資幽憩橋旁有故司廢衙棟宇未
改藜蔓委涂雖處滋他族而地流故稱相傳東岍田家院爲
司衙舊址道光中田氏掘地得銅器數具爲長官時故物或
遂援茲以爲灼證詎知靈光表魯金人辭漢室靡易構物有
流遷虛譚附影難云信矣即使遺基故在或亦別墅閒館爲
平時宴娛之所非臨民出政之區也西南四里爲寨婁楊光
隆第二子昌牧嘗以功授千戶駐寨婁卽茲地也度橋而西
沿岍行數百步至明月山危阜橫偃形如半月嵐采霏空洞
漪交泚州志采錄前記傳其空名地望山形缺略不具所稱
屹立江而蒼翠如滴縹緲虛無不啻海上仙山耳王達琮詩云明月山

勢出天高巉崖下臨滄江濤絕頂崔嵬雷梵剝昂頭突兀迤
林坳萬年枯松懸絕壁倒空渾欲壓客艘萬山雲外若拱衛
大江東下不能淘崇岡日暮蟻狖號嚴霜艸木
氣蕭騷鄉心一夜急飛鳥何處天風送鴻毛 山下奇石礫

砢或象蚪螭土人疾禱輒著奇應靈魅馮依妖由人興也邑
梅水又北流受西來一水源出濫田溝在廢石耶司西南澗
泉歧注滙引成溪東流十五里屈崖坪合蠻砦水砦亦舊時
屯保之地其東爲屯軍壩南爲營盤凹竝平田漫碧墟樹寒
青霾鏃不拾柵基夷蕩砦水東流逕鄧楊坳傳云坳旁民居
舊多二姓之人故坳受此名其東北五里有師崖貌狀狻猊
或云通靈夜食場稼傍崖石洞嵌深山徑繚曲劣容樵步咸
豐初嘗見巨人跡出洞中沙印如新儻亦洮水靈躅寇亂先
徵第一隅蠻觸詎應玄感荒愴之藪妖幻仍繇木客山魃固

藜莽之所宅也又北里許爲高洞深廣容數千人舊產丹砂
相傳有大如卷石或狀魚龍土人競寶異之云非厚福人獲
之不祥或夕輒有火如連珠自洞口出星錯虹翔時入邨舍
卽之殊杳疑神丹之精也少南有犀牛潭積泉彌頃澄碧見
底晝或數潮濁流漩涌則清瀾皆澆云有靈犀伏焉邑梅水
又東北屈西逕迴龍寺寺自明熹宗天啓二年造建其後乾
隆十二年增飾丹堊綠柯交蔭脩蘿覆檐晴煙蔥藹波采迴
激塵閭佳賞茲爲勝游寺中有徐映台書一粟世界門楹今
猶完在別有蓮華寺亦稱幽構緣崖結宇列石聯跂狀如蓮
瓣土人謂之蓮花崖寺因爲名寺後小阜舊爲崇泰寺基畊
者嘗於土中獲斷碑殘字半蝕而故名可案或云蓮華卽崇

泰所移建改修者也由迴龍寺南行數武有山崖嵬卽二顧氏所謂巴慣山今俗間通呼爲馬鞏山顧氏云山多板石土人呼板石爲巴慣故山流斯目至今石猶纍纍材中工選椎鑿之聲四時不絕惟方音舊語泯焉弗存巴慣馬鞏疑亦聲近字譌耳山址崖多赤白五色橫錯川瀨水潭石險榜侶戒心巴慣南一里爲密那崖崖洞幽邃流泉清冽顧甯人曰密那崖洞中傳云有道人嘗具餅餌獻遊客持出則化爲石也又北流二十里屆官州得貴道溪水四里逕長壽橋下又北屈西三里屆平塊馬蹏溪水自南來注之

邑梅水白石耶西流屈北十里逕魚梁坡迴皋虵引沃疇蠶複渚樹嵐煙上一色坡南爲斗階雙峰秀起狀如斗覆階

卷二

地志

十二

下舊傳有曬經石云康熙間釋宵塵結茅茲階精通戒律會曬經于此石上或曰曬經乃賽金聲譌言石色赤黃照日輝爛故有此名今竝不知其處若窅塵固天龍僧侶其游錫至此亦未前聞邑梅水又北四里屆俊倍故城東今俗稱官州城者是也受西來一小水楊氏譜曰宋末邑梅土知府楊光輔第三子昌斌初以功授俊倍洞土千戶至明世爲副長官司明史土官傳有俊倍洞長官楊廣震嘗助邑梅楊勝剛謀劫酉陽事具土官篇中廣震蓋昌斌苗裔也謹言昌斌初駐鬼道溪其孫秀福始徙官州遂定基焉今荒塍蒙翳垣堞靡遺猶保舊城之名但官州是後起之號土人重官凡所居游竝以官名若官橋官壩官砦所在有之謹据俗稱未及考正

幾疑官州俊倍異地二名冉崇文纂州志欲以鴛鴦嘴當俊倍故地亦蔽於以官州爲舊名耳邑梅水又北流二里得貴定水水出縣西南枇杷陀巖泉淙激阻山成澗引流東北三里逕馬崖崖西爲大校場隘塞非夷稍倣原陸往時土官兵不坐養有事則召之田間而農隙訓武按籍徵丁略存古制故明代四司土兵號稱勁旅校場亦當時習軍教戰之地遺基湮蕩鞠爲茂艸騰驤塞谷故今猶顯馬崖之名也貴定水又東流十里逕正武營而入邑梅水土官舊無額兵不置汎塘而特嚴守望傳云鄉伍聯結皆以營哨爲號舊名凋落間有流遺老成載謝近事靡質則宋元前制荒忽已多文獻不足固論古者所引憾矣邑梅水又北流四里屈官州貴道溪

卷二

地志

十三

水入焉貴道舊曰鬼道亦古俊倍洞地以嘗爲千戶楊昌斌駐所故亦被官州之名使非名從人附數里之內不應二名顯複貴道水出縣南箠子坳與貴羅水共陔別源南北分流初源溯崖瀉潤漾林結響蒼巒雙擁綠谿千尋北流逕黃龍哨亦土兵屯保舊地也十五里得貴隴溪水嶂壑槃深交川抱沚又北屈西五里與大溝水合水亦源箠子坳北流得二小水八里逕牛背田又北三里入貴道溪合流西注邑梅水也沿溪東行數里至三腳崖一曰銅鼎山山頂奇石列筍亭亭秀削其西卽鳳凰山一縣望峰也危椒出雲迴巒霏黛芬靈蔥蔚翠溢郊郭城南之游茲山爲勝乾隆末大軍征苗四川總督大學士孫士毅駐縣轉饜連營山南旂閃林色譙應

谷響軍容甚壯今平塊市東有營盤凸俗讀凸如董即舊屯

軍處也風鶴還嗤艸木兵白芳登陣齊授甲紅袖給廩罷呼

庚旄頭亟散蚩尤霧畫角徐移蹕騎營不用丸泥封戶闔使

君來為督春耕春臺作息萬方同蠻觸無端報內訌已戒三

邊嚴斥埃更勞十乘啓元戎恩言不喜得遼東朝聞虎旅下

重霄夕詛欃星隕麗譙吳堰甘蟲原是讖羅平鷲鳥竟成妖

軍傳馬首迎裴度帝許階前格有苗給復瓜期綸音來絡繹入

一建封仍赴鎮登樓德裕又籌邊流亡未復無分土創痛方

深仗稔年郊望歸來聊一適茅茨次第起炊煙又詩曰蜀山

截寨楚江橫鉦鼓連未洗兵燕為危巢思避戊士因寒雨

後隰田兩兩帶煙耕繡野行看我稼同蚍蜉底事尚成訶人散

軍咄叱摧長仗五檠驅馳賦小戎黔首早知依愛日卉衣從

此被華風忍見羽自絕前車在豈忘三秦與二東毀室煩冤

九霄幸瘡防兩面虞廷害馬是赤白原名盜石隕春秋合紀妖

羌俗牽羊防兩面虞廷害馬是赤白原名盜石隕春秋合紀妖

還歌蹋踟躕五度金戈鐵馬邊頗老已慚遺矢候終軍還憶棄繻

雞頭路五度金戈鐵馬邊頗老已慚遺矢候終軍還憶棄繻

年跼鳶何日驅淫毒聞說辰陽竈少煙又詩曰清角吹殘斗

柄橫喜聞吉語漸銷兵當時弭節逢元巳此日班師筮後庚

江介虛循行授首石城陶侃尚連營戰場乍徒豚蹶滿蚤有

人來課耦耕林邑蠻獫狁事略同泰山賊爛笑徒託踐牛那許

田歸楚捕鹿爭看角犄戎樓櫓勢吞排旂浪鼓鞞聲挾翦江

風郵支手繫平生志仗劍真成我欲東羽毛顧影媿雲霄賓

從先除膾齒莽休教便百年貽樂利爰書三識別頑妖芟夷鄭

人謠不計雕題與抹顛天心中外總垂憐主伯赭衣怕聽鄭

卷二

地志

十四

河邊黎重值舞千荒崖裡忍看竿懸古戍邊間謀敢乘鳴析夜

功懸令甲莫教重唱浪花謠岌岌巢欹獨樹顛夔虻至死尚

東清時仙和門超距馬嘶風關中轉餉承乏喜見黃雲壓

鳴嘯月門超距馬嘶風關中轉餉承乏喜見黃雲壓

道荷戈難覩土在官祿足代其耕布伯紛爭地幾同鎗頭入

乙師貞卜兆得庚外陣雲橫不戰傳飛將雉炬千室毀機絲停

山詩日穿河益動目極沅湘渡口煙林雋和孫節相初至秀

鏡歌聲裏雙旌動極沅湘渡口煙林雋和孫節相初至秀

道鐘鼎勲書題與抹顛天心中外總垂憐主伯赭衣怕聽鄭

人謠不計雕題與抹顛天心中外總垂憐主伯赭衣怕聽鄭

要先除膾齒莽休教便百年貽樂利爰書三識別頑妖芟夷鄭

從先除膾齒莽休教便百年貽樂利爰書三識別頑妖芟夷鄭

風郵支手繫平生志仗劍真成我欲東羽毛顧影媿雲霄賓

田歸楚捕鹿爭看角犄戎樓櫓勢吞排旂浪鼓鞞聲挾翦江

人來課耦耕林邑蠻獫狁事略同泰山賊爛笑徒託踐牛那許

江介虛循行授首石城陶侃尚連營戰場乍徒豚蹶滿蚤有

柄橫喜聞吉語漸銷兵當時弭節逢元巳此日班師筮後庚

年跼鳶何日驅淫毒聞說辰陽竈少煙又詩曰清角吹殘斗

營艇作橋地掃瘴煙通淑氣天鳴雷鼓靖氛妖森森甲帳連雲起門閃旌旗帶月飄上將奇謀資碩畫白頭重見老班超士毅嘗以九日登山招集賓僚席蘿流嘯裊崖灑墨標情閱

逸競賞一時孫士毅九日登鳳凰山壘前韵詩曰堂上鵬鷗

心征戍入申庚編詩待續三章樂察矢遙傳七校營忽聽關

山吹鐵笛鬢絲那不憶歸耕菜蕘高會故園同爭席如聞野

老訂鷺嶼迢遙思縮地鶴原辛苦祝平戎人歸煙樹村邊渡

還堪傷碧霄崇岡才下又登譙靈臺雲物占星退優孟衣冠

笑服妖貽患都緣藏宿垢懷新從此護良苗取旂奔鏡軍如

火令節真符竹馬謠王秋記躡雪山巔此日晞陽也自憐節

吹乍停颿館外羽書偏到酒旗邊要知堯伐驩兜後方是虞

垂繪繡年並望簪毫賡聖藻三清甌畔颺茶煙林雋九日

陪孫補山相國登鳳凰山詩曰九日登臨暇千山戰伐勞秋

雲沈鼓角巖翠潤弓刀羽檄傳軍捷黃山上舊有古刹飛檐

酷助興豪風流羊叔子清嘯滿林皋

造雲林光巖韵致足幽賞寺後靈官殿石欄護徑白晝陰森

山中殿閣此為最古云是楊金瓚煉丹之地旁遺石曰乃其

故物金瓚元初人名勝岳俊倍洞千戶楊昌斌第二子嘗為

鴛鴦嘴司務厭絕塵囂避隱茲山喜長生之術相傳形解上

昇也同治時王達琮構亭峰頂收覽遠勝相地家以為山居

卯位水值未方亭成必為雷震震後縣中科名當興俄而果

驗靈氣偶然詎由前測而近歲科第漸顯地運旺歇儻或然

也山半觀音閣祠奉大士閣下石洞嵌窠蒼落繡壁上垂石

乳若簇羣萼故流蓮華之目海鹽汪觀濤重游鳳凰山記曰

塞以迄酉陽由酉陽又東南行二百里豁然開朗如得異境

平舉大陸列嶂四繚竝蒼碧如新染黛色縣名秀山良有以

也余始至日即絕愛南偏一峰以為比諸山尤美又去郭門

不及數里時可登眺而未知其何名也時余方從補山相國

治軍書苗氛正惡羽檄交馳靡暇攀陟其名則已詢得自土

人曰鳳凰山云是年秋逆苗勢蹙王師益南相國招約九

日躋山私輒狂喜及小隊發郊林光山色即離馬前至則古

木叢翳磴道蟠屈山腹有洞窅深石乳垂結如花舒萼去洞

南上黃葉滿蹊殊饒秋意入寺乃益荒禩蓬蒿沒階而巖
花韻頗洽幽懷尋以牽綴未盡眺暗之樂既歸魂夢猶時落
翠微間越年丙辰今皇帝受錄初元春正月戎政稀簡復
偕長洲王子岱稚雲應城戴子迪光朗甫綿州何子人鶴皋
九丹徒陳子良年鶴珊從騎十數表徊乎山之陰重尋前時
履迹恍如隔世慨焉久之既至山僧來候若故識者因合導
觀諸奧勝循山背復得一洞青蘿蒙蓋入行漸狹既復寬衍
拔崖猿上有夾石如樓俄炬觸石棧火絕冥黝履寸移輒呈
石石氣矻肌凌慄趣僧取火迷不即出袖雅雲鶴珊與余參立
細響琤琤出足下有物簸簸撲落衿袖雅雲鶴珊與余參立
屏息都有恐心舉九朗甫則故在洞外未從入也未幾火至
而前簸簸者益狂迫則蝙蝠四五也乃捫壁斜趣壁下涓瀟
碎激是歸琤琤之響也出則午日正融白雲在樹心日一澄
沿山右行數步有松蔭畝槃挈如龍僧言往時松杉頗鬱此
斫伐所遺物不得主不獨燒桐為尾也山故二巖中連合處
凹曲林木蔚密蜿蜒東盡螺峰秀出由寺東南行出峰頂則
勿巘盡下圓宇寥蕭東北交施永西訖思邈北盡西陽重巒
延阜迎目波屬南眺千里雲木明滅則羣苗之窟念我辛侶
涕泗橫膺俛視河次旌柵歷歷循峰東下披榛見寺屋一
角乃趣就小憩舍南一井泓激可鑑山僧汲飲所資者也頃
焉西光倒映林靄漸合四君者亦倦游遂題名寺壁而還還
途迴眺山嵐離蔚巖然出天而余情依依未有已已僧名圓

卷二

地志

照相國仁和人姓孫氏名士毅補山其字云嘉慶元年春正
月四日海鹽汪觀濤東海父記西陽冉瑞岱鳳凰山詩曰連
山若連雞局促不敢縱一峰獨挺出有若來儀鳳不飛亦不
鳴凡鳥漫嘲弄古寺踞其巔欹斜類破甕山秀佛亦靈愚民
競崇奉寺門望山頂寥天裂一縫秀氣入山骨草木異凡眾
僧恐鳳或飛修竹滿山種結實大如益鳳飢差足供王達琮
曉登鳳凰山寺詩曰朝出城南隅謁謁入翠微初日映林葉
紅霞千片飛中有萬古剎艸長山僧稀焚香禮莊嚴斷塵息
世機處寂百慮清翻疑人境非鐘磬發疏響檐花落霏霏飢
鳥窺山廚白雲鎖荆扉悠然乘思往坐久欲忘歸日夕尋還
徑嵐翠尚霑衣持琰邀山色明月激清暉又蓮花洞詩
曰一徑何深邃巖生萬古蓮秋風吹不落落花滿洞中天
邑梅
水又北逕長壽橋舊為野渡春水汎濫行旅病涉同治十一
年里民李瑞芝倡捐建橋費約三千餘金下流數里有萬壽
橋道光元年建造後為洪流衝圯今議修復工亦數千金也
水北流屈西五里屈平塊經孫相國故壘北禾黍生郊蕩無
遺迹又西受馬蹏溪水水源縣西南之筆架山山頂數峰園

簇疏抗秀竦故受此名中有寒潭四時不竭綠葛蒙陰有助
幽討水自山麓東流合數小水十五里屈革里又東北二十
五里爲馬蹏溪沿岍澗泉趨注歧流不一故溪亦漸洪宥有
千戶故陞明時三千戶之一也又東北流經七星坡連峰若
珠附名斗宿貴閑溪水自北來入之水出觀音山土人好於
石縫巖曲安大士木像以時祠禱故山崖多流觀音之名水
東北流十里屈南入馬蹏溪溪水又北合金谷水水有二源
北源出旋網洞洞室開曠上漏天光水逕洞下伏流數里始
出與南源會南出秀才溪舊爲臭菜溪依聲改字取雅名耳
合流東北廿八里逕五馬山五峰連體虧蔽曦日山有煤崖
矗立如人相傳論昏祀之得諧路史載女媧佐大昊禱于神

祈爲女婦正姓媧職昏因是曰神媒則古者昏因禱祈固有
神尸其饗雖鄉氓流稱不難附台雅證但託靈山石爲虛誕
耳或云崖下舊產石炭土人呼石炭爲煤媒煤同聲誤字也
山下深溝舊時開濬以引流溉田久爲農利而術家以爲鑿
傷地脈平塊近歲饒富甲縣科第亦顯居人謂宜培後脈頗
有塞溝續龍之議金谷水又東南流屈曲五里而西注馬蹏
溪溪水又北流三里逕護國寺舊名大興寺釋自休道場也
寺有康熙十年大興寺殘碑稱曹溪正派廿四世堃愚和尚
撰堃愚爲天柱萬松庵僧深通正覺自休嘗邀至寺開說經
律故伐石畱記碑言平塊之城形勢益壯又云寺基左抵河
右抵大城二濠則平塊舊當有城今寺西老場猶流後城之

目徐陝台平塊道中詩曰秋原驅馬薄寒侵霜氣稜稜溼滿
襟遠浦淶波山寺曲西風木葉古城陰邊亭舊蹟傳千戶
古道斜陽隱半林百代興亡徒極目平皋無際響空砧但基址蕩然亦莫詳其修築所

由或云故馬蹏溪千戶駐所也順治初西陽宣慰使冉奇鑣
送款最前獲誠慶地以邑梅石耶二司所隸三千戶屬之寺

中冉司使施常住田碑立于康熙卅二年時千戶改屬已久
寺當境內故宏檀施碑題平塊平陵山護國寺則護國之名

興於冉氏矣自明以前伽藍多取山名平陵蓋寺之舊號相
承不察二名重題致疑寺基平曠稱山非實若藍宇宏勝則

近歲釋清雲所增建地饒林樾綠嫋谿光藥欄落徑有助幽
步雍正末有釋吼堂者自言是破山和尚弟子能詩善占驗

行腳至此愛其深寂遂安錫焉其後天龍沙門萬松一號履
雲雅工吟咏亦嘗來居號護國二詩僧今流風歇絕墜韻如

卷二

地志

塵無復當時勝侶矣平塊平陵山護國寺常住碑記曰地

郊居而下林皋若綦數子初着之勢不即不離山溪
若虹線日光照其多處煙靄濃枕山溪

之干而林皋之最崇秀曰平塊而城之東隅新一刹

宇嵯峨翠接岡巒余曰何從而耶人告余

我類廢者莫不修而巍煥無所不至者貸之振
之平陵甯地方平修而巍煥無所不至者貸之振

匠伐木引石則又有僧自休自休乃秦之鳳翔人也少從
軍性好武年披緇已了寂建此乃停錫焉山
川明秀村落甯而平陵居其中今度之平陵淨世界
可以恬靜風波可以祛除塵累而優游清風明月蒼松修
竹聽清風之徐來禪鏡觀寂若明月平陵
之寺僧老矣請碑記不朽余則太夫
人寺雖寺之興廢而不朽余則請詳太夫
後世康熙三十二年癸酉歲季春月二十立釋吼堂詩
日尋山尋得幽深處就水傍崖結個廬三足鐺兒平放下春
秋不涉老雲居五十方知學采樵鋤雲種種樂忘遙滿山盡

是菰和芋却少知音結伴挑綠竹心空尚有節寒鑪煙散却
長陰三生石煮鍋中爛送與隣庵點個心今日晴明懶打眠
攜筇雲外踏郵煙觀風聽月梅間過那覺春光又一年雪壓
山林絕去來青黃葉落似瑤台露花有意憐幽寂紅白高低
繞屋開山花愛我無心玩我愛山花常吐香正是花人忘所
得任他風月去來忙春來無處不飛花惟此孤峯絕豔葩想
是春風吹不到榮枯都在別煙霞青山問我何年任我問青
山那日生松竹和聲齊點首無情娟動是同庚眼當高放窺
無邊收盡物光共一天四野渾成明暗淨仍拋七政露根源
不戀城市豈愛山飄然到處落無筌春秋笑我無常往我笑
蒼鴉多林影黑殿閣磬聲長豐草埋幽砌殘碑卧夕陽亭臺
花自發不識爲誰香黃金落佛面綠蘇上門楣古殿龍蛇沒
淡山歲月馳客來茶獨采飯罷鳥頻窺惆悵後無人知
是誰零落春深院依然百鳥朝墻低山露脚寺古樹空腰脩
竹藏高閣垂楊覆小橋詩成無紙筆拾炭寫芭蕉有作身多
累無求性自恬鏡前孤影瘦客裏二毛添繞郭鶯啼樹憑欄
鳥挂簷還期重九日來把菊花拈又護國寺和吼堂和尚詩
日松杉繞屋春長在虎豹巡門害不生坐破蒲團無個事青
山一路聽倉庚耕雲種月心常逸品竹評花性自香惟問春
風行到處幾人閒散幾年忙桃花纔放又荷花無限新葩換
舊葩惟得老僧閒太瘦多年物外獨餐霞幽篁愛我得高眠

卷二

地志

十九

我愛幽篁淡拂煙兩愛不知誰是主青山欲語復忘詮閒來
無事向林樵傍壑隨峯路轉遙束罷爛柯歸獨晚滿山明月
一肩挑城市山林任去來愁煩從不上靈臺旁人漫道無生
意崖畔木樨花正開几上峯巒浮翠色塔前麋鹿卧松陰地
爐無火慵煨芋旋覓新詩當點心臨高俯下斷岡邊雪滿山
河月滿天雙履穿雲隨澗轉湖流竟喜到泉源一瓢一衲老
空山半日清修半日閒鴉噪何須問凶吉是非不到白雲間
思南安化劉懷讓重遊護國寺詩曰故國干戈二十年西來
重證小乘禪賦成韵艸蟲吟瘦道悟曇花蝶夢圓洗鉢水聲
澆佛面荷樵雲影上僧肩不驚虎豹門常啟一任人遊自在
天菩薩見我亦低眉劉向功名底尚遲入座共分新煮茗書
應重認舊題詩日移花影龍猶卧雲過松陰鳥不知幸有老
僧猶識我相逢 寺之東橫橋相望馬蹏溪水迳其下又北
驚說鬢如絲

入邑梅水二水交處舊爲敖氏別業春秋觴詠傳勝一時相
傳嘗有仙降其庭中賦景成詩頗有流韻今故陞苑蕪無復
亭館而古木叢陰垂蘿翳泚亦塵郭之佳憩也西去數步有
石浮水際如蓮瓣映波王達琮所謂石華不可掇者也

又西北流五里逕縣城屈東又北十二里屈泥溝得七坳水又東流五里至鴛鴦嘴與平茶水合

邑梅水自平塊西流逕玉皇閣下北折三里受小溪水水出美東坡東流入里逕麻姑洞本名毛狗洞聲轉改字附成雅

號稍西小龍灣有故學官王鎮華華陽人同治間為縣學訓導頗有聲譽既卒留葬于此

富順陳崇哲華陽王公墓表曰之德是故身區羸翳人士各有生平出自義皇廣文獨稱有道而或者謂含絳質黼文之曜必絢昌名誦繁霄溢渤之書當躋隆爵則是以前官為媿才士徒清柳惠不稱世賢漢豐宜謝郡學也清邈之彥高嶷之懷竺德寢庭澹忱圭綬薄宦足以教姚講學章其軌訓生挺裁風之望沒遺陶化之思若是者得見之華陽王公宇安先生矣公諱鎮華宇安其字也先世家閩宦蜀寄籍遂為華陽人曾祖德珍勅贈文林即祖恆進地贈奉直大夫父善交誥贈奉直大夫世霽清門譽瑋名胄公父尤偉好施敬士以起其家公生而穎卓幼已端蘇沈默靡矜動作成矩既壯為縣學生食餼高等以

卷二

地志

二十

家漸敝訓課里閭卓有文譽春風一室幸珍玉之多儲秋賦十年惜旌旃之不舉時太宜人已久違養瑤嶽遠漠魂泣在矜孺慕永延惋心不絕身事贈公篤孝醕備續廬既寢風木益愴顏齋思帖拊心計年過申屠蟠之忌哀食停三日同陳元方之沒也繼母表百城尤有難者原隰同哀角弓不詠當贈公之沒也繼母表百城尤有難者原隰同哀角弓不詠偏謀合產同治甲子科公舉于鄉越六年選授秀山縣學訓導是時季弟已霄仲氏偕行謀厥兩家任之一已此同舉世之居彼有千里之贈是眞弟忘異母推財過于王商身自正家敦義隆于繆氏矣秀山區僻廣文官微禱禱不淄勤勸自植既德風之颺邈亦文業以煥時表懿人師從從講舍登堂篤訓垂二十年駢屨侍闕常數十士以故游夏茂于文學髦俊顯于清時胥奉崇架各翔遠音徵馬帳之有人信李門之多貴方歎徽儀特峻東山已昏不意靈耀儵暨北斗無色光緒十年甲申二月十四日丑時壽終學署距生嘉慶二十年乙亥五月十一日未時春秋七十即以是年葬秀山縣城西小龍灣新山之日未時春氏散儉持禮蕙衰形效子一尚恂綜覈多能篤雅有節仕為湖南巡檢加理問銜署鳳凰廳知事乾州廳經歷女一適花翎運同銜安徽石埭縣知縣華陽陳潛源孫秉燹烏虜膺茂體純仁親惠士高問不隕尚論徒獻有子涕洟不待劉操之碑小溪水又東北屆地壩廢司宋碣貽人諷誦請題函典之碑

石耶土知府楊光隆五世孫正文當明永樂時從西陽宣撫使朝覲如京授副長官初其祖勝壇嘗分土得地壩數世居之至是因爲駐所號地壩副長官司今故基夷蕩犁爲平田沃野豐原最饒農利小溪又東得司南一水合流入邑梅水水東附畝一井方廣盈畝產魚才及數寸火煎膏流異于他種故魚泉名累官道上有好善樂施二坊爲李瑞芝立瑞芝故貧嗇後以居積饒富嘗獨捐四千餘金爲縣中賓興卷價二費律令輸資助公及銀千兩者許伐石樹坊瑞芝旣邀旌典彌勤于施始出資辛而終樂推與洵鄉邨所罕觀異守財之儉父矣邑梅水又北流屆縣城南至西郭門外逕永濟橋橋西古楊橫澗上通行步拂畝縈波居然約略澗卽大溪水

卷二

地志

二十一

也水出地壩司西北原田鱗列迴湍交注灌澗餘波播而東流四里逕大板橋又東北八里得流秀橋水其北平皋夷曠邨樹藂襍卽故勇士總管楊皋鳴駐所溪水又東北三里入邑梅水水屈東流至城北逕永昌橋下臨水官道旁有王達琮神道碑由橋北東行百餘步至迴龍寺漪瀾交沚巖芳蘸波林煙石黛有悅幽眺雍正時釋六劫焚修寺中自言六世爲僧故頗通正覺臨沒前夕謂徒衆曰明當遠出挂募及旦裝具旣辨入殿禮佛久之不出卽視則已端坐示宋笑容初斂一時喧傳城衙千人集觀今寺極荒敗而喬柯通蔭綠芳無改禪棲吟悅致爲佳賞

知縣王壽松游迴龍寺詩曰穿雲鐘韻出山了曲曲垂虹臥水斜纔

到寺門香拂面當前一樹玉蘭花軟紅十丈掃風埃幽徑娟娟縑翠苔松頂祥雲長不斷月明可有鶴飛來王達琮迴龍

寺訪靈漪上人詩曰喬木散幽靄蒼然生曉寒野寺綠溪曲
疏磬青林端緩步出城闌俯視清瀾垂虹卧波影倒映雙
迴欄尋雲識幽徑柴板逐江安竹露潤初積苔煙翠已殘
蘿叩上方涼蔭浸蒲團始知象教崇凡慮謝怨歡持茲清靜
理永予物外觀吳新民夏日游城東迴龍寺感懷詩曰鴻瓜
漫留題尋詩趁馬蹏水如因寺曲佛亦為花迷塵淨渾無暑
雲輕不礙溪酒酣初入夢斜卧夕陽西文字結前契逃禪見
本源心閒身不老命苦佛難言香篆留禪榻溪聲叩寺門何
堪芳艸綠還與怨王孫過眼都成幻何須苦認真色空資妙
悟風月證前身佛面冷於雪禪關靜絕塵窮將清淨理世界
自長春白雲無定處我佛亦隨綠流水三生夢清風六月
天林淡曠去路鐘響破殘煙何怪桃源裏不知漢魏年 寺
右爲飛山唐祀唐誠州刺史楊再思唐故偃城咸豐九年因
黔寇鴟張連旬戒嚴始檄移今所顧景范謂前史傅再思嘗
駐兵飛山砦奪羣蠻之險唐號飛山蓋由此也明一統志注
言宋紹興間追贈再思威遠侯立唐祀之則再思有唐自宋
已然其後元代又贈封爲廣惠王子姓蕃息多爲邊部豪長

卷二

地志

二十三

祠祀遂徧谿洞但名未革正故沿傳靡改今唐已爲僧徒安
祀佛像竝改題其門楹曰萬緣堂再更數紀或竝莫知飛山
舊名矣出北郭門至永昌橋豐碑若林多傳功迹德之詞而
前茲賢令若夏觀瀾諸人乃無片碣固知斯民直道難求于
士夫之口耳邑梅水又東流逕東郭門外龍神祠祠下洞泉
甘美盛夏尤洌城棲之士汲酌是資其西爲東昇寺亦臨江
幽勝惟遺構俛仄殊非精藍耳 王達琮東昇禪院卽事詩曰
兩峯天外矗蕭寺向山開雲
氣穿樵入樵歌隔水來濤狂風撼樹石瘦雨霑苔古柏何人
植摩娑日幾回紛紛空翠合對面飽看山地僻人踪少窗疏
樹色環望從流水遠時有片雲 縣城三面臨水天然濠塹改
還日暮聞清磬悠然破笑顏
流初治三合場知縣夏景馥圖上地形迺移今治皋原豐衍
控帶回川貨殖通流響然四湊其城基則故邑梅司地煙麻

坪也舊饒煙艸麻桌之利故地流斯日先時爲木門土垣嘉

慶二年改造石城自後數經兵寇崇墉無恙承平清暇煙火

豐繇原樹潭波遮映四時西陽知州章愷至秀山詩曰蜀道

捲入楚天雲城郭都無恙鼓繁今不聞此邦真秀發蔚起見

人交知縣李漸鴻乙卯五月五日感懷詩曰畫堞參差趁往

還夢魂會未到鄉關王師是處呼庚癸民命何人惜艸管

佳節壺觴悲獨醒壯年戎馬敢消閒且蘭回首頻惆悵欲請

長纓繫百蠻又賊退勞餉局諸君詩曰保障淡資策士謀頻

傳溫語出西州秋風郭外停烽火夜月花前散酒籌滾滾沙

蟲消巨浪蕭蕭豺虎斃高丘橫腰寶劔酬肝膽四顧蒼茫感

白頭何人鶴秀山城孫老人小圃詩曰戎馬倥傯去復還

暫來小圃一偷閑不借戰士踰葱嶺忽半高人對非山快折

梅花簪雪帽大烹豆腐轉醅顏春光爛熳又如此逆 命苗

民速 欵關城內榮祿宮有鐵鑪高四尺銘題隱隱古篆數行四圍

有八翅俗傳八卦鑪云嘉慶十年平廣基掘得之土中未知

何代物也邑梅水自城東屈北又東五里得唐郎水唐郎有

大塚民間通呼官墳傳云孫文靖所旅殯也近歲有唐郎人

掘地得銅器甚多不辨款識中有總兵關防一枚篆云恢剿

漢羌等處總兵官之關防背有刻字曰永曆二年禮部監造

据楊氏謙平茶長官楊勝吉明亡後嘗送款桂藩遙授是職

此必當時鑄頒物也水西流逕陰陽橋橋旁古樹大卅圍繇

枝密葉冬夏恆青邑梅水又北流二里爲牛市灘自此以下

一統志謂之買寨河云入州界爲買寨河又東北十里至三

江山與秀山之峭溪會蓋舊時西陽南境固全有今縣東北

諸地統志之三江山即今之平陽蓋翠巘複雲東西縣巨百

五里縣北連峰藁嶠皆是也邑梅平茶二水與西陽之龍

潭水竝會山下故流三江之目志云秀山峭溪謂平茶水據

故時疆域而厠以今日縣名地望差迕徒滋疑病又峭溪乃
芴注之支津匪平茶之正流舊聞失實故聊附所知耳邑梅
水自牛市灘又北三里屆印盒崖逕糜昌明墓下方石平立
因形附號遂爲一地大名下流爲生發塘舊名死人塘糜奇
瑜自河南解官還舟泊此惡其不祥題石改稱今其舊刻猶
存惟土音讀潭若塘沿譌承用似乖雅詁由崖東北行數里
至壩芒芳塍連畛秀木叢煙糜奇瑜墓在焉

歸安姚文田故太僕寺卿糜公

墓誌銘曰公諱奇瑜字象與號朗峯先世由湖南遷四川秀山曾祖傳芳優貢生候選教諭祖上選父昌明候選主簿皆以公貴封贈如其官曾祖妣周氏祖妣王氏妣苑氏皆贈夫人公穎異讀書過目不忘年十七補庠生旋試優等文譽籍甚以乾隆五十四年己酉拔貢任戶部七品京官遷主事嘉慶三年戊午順天舉人充軍機章京方畧館纂修提調累遷員外郎郎中常隨托相國獻獄兩淮及南河奏當明允無枉無縱十六年出爲福建臺灣道兼督學政臺灣地隔重洋

卷二 地志 二十四

素稱難治公嚴捕盜禁械鬪民氣以靖乃修城垣設官渡清屯餉實倉儲諸政次第具舉尤以教化爲亟建書院立義學集歷代名臣事實爲政蹟滙覽一書及所作勸士文刊刻遍諭之每試士拔其尤以善聽斷先使人盡其辭而後徐察其情年擢福建按察使公善聽斷先使人盡其辭而後徐察其情僞遇當決罰者示以罪所應得未嘗稍有怒容仁慈所格有感激涕零者二十四年擢河南布政使時河決馬營壩次年又決儀封公實力撫卹全活無算念河南向多河患各工應攤征民間者不下千餘萬逐年並征民力不逮因謀於中丞奏請展緩七年分次帶征以紓民力得旨俞允公工次宣勤備極勞瘁而平恕不苛使皆得以盡其才工峻蒙特旨賞戴花翎蓋異數也道光二年調貴州布政使再署撫篆公以邊地所要在培養苗人使足衣食約束流官使絕煩苛畫精詳敷奏無隱四年升太僕寺卿公蒞黔二載整飭官方凡不便於民之事悉爲革除瀕行時攀轅臥轍者不可勝計既不獲留乃於省垣建生祠以誌去思公禁不能止則公所養請假歸省封公數促入都始就道兄弟六人怡怡無間官臺灣道時馳封仲兄爲中憲大夫於湖南祖籍置祭田以贍族人戚黨有拮据者輒分俸濟之秀邑遇水旱災捐資施振及建立書院考棚改設學額無不竭力襄成焉公初以部曹外任監司復以方伯內擢罔鄉敷歷中外幾四十載道光

七年正月十六日卒於京邸距生於乾隆二十五年正月初十日年六十有八配王氏子四宣哲山西候補知府良哲兵部職方司郎中廣西柳州府知府署右江道臆哲英哲俱幼女四長適原任少詹事汪潤之子候選兵馬司副指揮陸恩次適前任通政副使徐如澍子庠生枚次幼未字孫三升俊廕生光祿寺署正邦俊監生元俊曾孫一勝曾茲宣哲等於七年十二月十四日葬公於蓮台山之新阡乾山巽向求志墓於子予交公最深不敢辭並係以銘銘曰蜀山疊疊江水湯湯秀靈鍾毓蔚起賢良敦歷中外蹟著旂常佳城屹岷峴青松白楊我銘其幽懿行允臧綿綿簪紱似續其昌邑梅水屈南又東北五里屈泥溝也坳水自南來注之水源縣東山谷中澗泉岐出不名一源其流遠者有地西貴判夾山諸溪及萬靈格爾二堰水也坳則眾流既滙經行之地也水西北流逕紅崖洞其東牛角山雙峰競勢干空礙日舊建東西二寺東寺久圯兩山中離削壁千尋危橋容步過者栗心有洞暗淡無底山僧言夜中恆見光出洞中傳云內有寶印一

方爲開山沙門所遺舊志載男山女山均在紅崖洞附近今竝不得其名未知實爲何山也水自紅崖洞西流五里屈也坳逕長生橋下又西三里至泥溝合絞白水水出縣東絞白洞洞在香鑪崖下崖頂有廢砦遺陞爲鄉人屯結避寇之所洞室深廣入行數十步潭水幽碧春夏時嘗有黑氣出洞中遮翳日景俄輒雨雹云有靈物伏焉洞泉分流一出牙阻卽故邊蠻總管楊通旻駐所其地今有內城外城之名水西流間關膾隰重山夾咀激湍帶陌響引林籟一出李家塘逕新庄有復興寺云舊爲冉守忠施建中圯更修故有復興之目守忠宋建炎時人爲西陽冉宣慰之祖時始立西陽州守忠爲知州顧甯人稱其善于撫字西人懷之今寺中嘗住田猶

納糧西陽其明驗也二水會流于官庄塢板橋西至泥溝與七坳水合又西北流二里入邑梅水邑梅水東流屈北五里屈鴛鴦嘴宋元土司酋領有鴛鴦嘴司務屬邑梅長官司舊有國字城俊倍司楊敬敞所築宋末俊倍土千戶楊昌斌分設司務于此當時有俊倍下洞之目竝爲邑梅屬地故冉崇文求俊倍故地不得卽以此當之非無因也今城基荒夷土人耕山中嘗得五色磚瓦是其故物元初司務楊勝岳字金瓚晚歲好道入鳳凰山結廬燒丹數年不出相傳白日狎舉土民哀思改名鴛鴦嘴曰金瓚坡以著不忘山形部婁豐後銳前故縣嘴名邑梅平茶二水交會于此其北卽平陽蓋一統志所謂合流于三江山下是也

卷二

地志

二十六

又東北十里逕唐店山屈南又東西曲折流五里屈響潭東流二十五里至唐泉合龍潭水幹川水自西南來注之

紀要曰唐店山在司東南百二十里以山旁居民多唐姓而名景范蓋據土司疆域爲言自鴛鴦嘴以北舊竝爲西陽地三江爲西陽南界大山此則三江之連體而一隅之表望今居民唐姓絕少其地猶保唐店之名雖疆域改遷而山川能說亦攷古之所欣也邑梅水自鴛鴦嘴與平茶水合流一統志又謂之疊溪東北流六里爲泥渦潭嘗有斷木逐流至此直立潭中土人相驚爲神疾病禱祀輒驗奇應殆靈魅馮依以求血饗今建祠潭上而水際之木已爲風雨敗蝕將盡邑梅水又東流二里爲官潭溪瀾晦綠中有巨魚長數丈間出

浮泳小魚從者數千驚之不祥潭上爲馬路峭亦土官屯保
舊地故水流官潭之名又北屈一里逕寺堂山三峰秀列林
木陰蔚榜侶樂幽嘗枉權焉山下鎮江寺舊在山頂初爲卹
舍數椽術家言不利近山居民因徙今所道光八年富人羅
永常檀施閔建遂極輝崇中有明洪武四年殘碑字盡剝落
水經寺門瑩碧如玉折東南流二里屆唐店其旁皆平岡小
阜而舊羃山名蓋當時西陽邑梅錯壤于斯引山表界故流
聞載籍耳邑梅水自此曲曲如環東北八里經老屋城得小
溪水水出大坵蓋下方語于山勢迴延連嶠相望者輒被蓋
俾或書作經界之界言其山可界一方也故縣中大山若平
陽蓋穿河蓋木桶蓋皆窳窳曼衍簇黛連雲大坵則穿河之

卷二

地志

二十七

附庸巖芳嵐潤蓋蒸百里水源山麓出拖船溝漑漑細流若
春夏積潦行旅方阻西北逕白家庄積石礪空崇峽引澗西
流入邑梅水旁岍乾元山形非隋刻以託地高敞雅資遠眺

山頂順德寺亦明時舊刹

田尹耕乾元山訪慧通上人詩曰
霜林通徑石低昂踏葉穿苔到上

方四面天遮青嶂復一聲鐘打白雲涼花間補衲安殘線
屋裡攤經滿破牀底事老僧偏愛客平分山翠浣衣裳山

西北爲買寨以背負買寨河而名後譌寨爲菜今乃改俾美

翠聲轉字異失本號已邑梅水自老屋城又東北二十五里

得熱水塘水塘臨河際石竇窪凹四時涌沸若湯雖交波漣

瀾而蒸淫彌望水襍硫磺氣浴之能愈瘡瘡傳云初可燻雞

因邨婦污褻遽變溫冷父老訶禁乃漸復常石落濃綠沸湍

激素介翳荒幽故賞愒致罕耳

西陽冉維峯湯泉春浴詩山
勢趨南界坤軸際炎維水井

殊邛嶽潭湯介河湄微陽陰重嶺巖榜見淪漪氣蒸崖花潤
津淫水衣滋張蓬作圍障灌體皴膚肌習習兩腋風涼溪溫
不虧夙聞華清殿賜浴鑿新池文石嵌巖翠清波禱芳
蕤珍泉獲嘉賞茲乃翳榛墟由來荒溪區瑰材多所遺塘東
北二里屆響潭爲西陽地初改流時割西陽東南諸地益縣
響潭在遷版中今則四皆縣地獨此百家之塵遠隸州籍未
知其故或云市有土官廢衙冉氏族居當遷革日冉氏篤戀
故宗因求仍附本疆也市北幽磻迴縈山潦通涂始源出平
陽蓋頂之苗龍潭寒綠漪風激光鑑影縣中龍潭不一其名
先時旁多苗居故增字表異水自潭出懸流注壑石凹承溜
曰響水洞飛聲滿谷林樾疏振東南流逕崖門口納數小水
又東屆響潭市北引流稍南入邑梅水響潭或由此水著傳
若前帶通津平瀾溪宋曙名可識而尋波虛驗邑梅水又東

卷二

地志

二十八

北受代田溪長冲馬伏溪諸水二十五里屆廣泉與龍潭水
合齊召南以爲眉子河所謂又東流有眉子河合容溪自州
之東南來注是也幹川水渚流參沍紆青漾藍春潦方興波
路壯闊幹川水出穿河蓋下翠嶠嶇嶇丹曦虧照自縣城東
南崇體連勢縣邈百數十里入湖南保靖縣界冉崇文說荷
敷山以此及八面山爲近其實八面山卽古荷敷此則通志
所謂隘山也以其嶮嶮陬阨足資守隘但志云在縣東百五
十二里當是舉其最要處爲言然今縣東固無百五十里之
疆域若得勝坡土地坳宿備奇險竝在百里以內雖傳聞異
辭而山川形勢可睹而獲也咸豐時粵寇石達開大舉犯蜀
自永綏趣縣停眾山下裴回累日卒繞山東掠間關楚微施

南列城紛紜糜爛矣此近事之暴驗悟舊名之匪虛山頂平

皋迴做微巒起伏有三石門嵌空表異一通樵步俗傳三門

洞引礪穿溜曲歷三重中隔阡隴映帶平湍至第三洞伏流

巖罅故又受穿河之名矣胡志伊登穿河益詩曰登道蟠空

落邊荒煙杳諸苗峒霜明古佛堂高秋激遠眺亂葉下林塘

典史陳兆沅三門洞詩曰階壁三重綠繡苔洞門深處水滌

洞花間犬吠看人過巖下雲封待月開路辨仙源春澹澹

鑿疑鬼斧石皚皚由來靈境胚神秀生恐榛蒿有隱才 幹

川水始出之地曰水源頭山樸枉曲灌莽冥淡東流合蝦蟇

塘迳福溪二水又東北入黑洞礪石荒蟠窪開幽竇導穴受

波惛惛沈響而峽壁千尋厲翼揭天一痕中圻交連顛陞匪

刳匪鏟狀類斧斯若其仰挂空青下冥慘綠延宰目惛慘瀨

神瑟信靈奇之區會龐荒之藪窟也水入洞伏流窅然以幽

卷二

地志

吹火照步潛波可尋三里出為白水溪東流得磨刀溪桐木

山諸小水又東北五里入亮洞一曰自生橋沿流平視空曠

通明因與黑洞相對為傅而脩阪橫術上容輿馬故又羃橋

名水北流為馬路河夾溪擁石皺文若馬河因受號又北三

里屆龍潭壩市東得龍孔水水近塵街錯臨稻畦泉孔凹淡

瀆瀾常溢續緝沈石虛不得底云有靈鼈下伏然被龍名未

知所由來也水出漑田餘波入澗泉西土神祠後有古木蟠

斜中空如刳而繇枝茂蔭此祠鄉市多有之祭用春秋二中

蓋古時里社也周禮言田主各樹以土所宜木今各祠多植

樹為表居人敬護無敢傷伐猶古制耳又西大貴坡山童土

膏麥菜綠坂頂啟石穴舊云神棲祀靡虛日香火殷繇今亭

宇荒圯靈響亦絕洞中有石壁高二三丈廣半之以物仰擊鼓聲逢逢相傳此洞與龍孔潛通事靡前驗未之詳也幹川水又北爲唐溪當中巉崖若砥磬石成梁左右達岸引流又北十里逕高崖爲三到河屹屹重阻行旅絕涂亂流而濟曲折乃達故有三到之名今則刊崖通步雖仄險猥偏而疲涉無聞又五里屆高峯寺伽藍廢久故傳未改地遂受名曲徑旁阿方石上圻矗揭垂斜搖風疑墮過者慘慄咸有戒心也水逕峯下翳爲深谿空光倒映蕭條幽碧又北二里至唐泉入邑梅水

又東流十二里逕葛泐十五里屆宋農得拉沙水又三十五里至石隄逕書箱峽入酉水

邑梅水自唐泉東流南所爲波羅蓋北卽木桐蓋竝縣東大山峰巒相望簇黛寒波又有辰州蓋則附于木桐而高亦略減雲巘參差蟠空際下水出藜翠之間若春木方滋蒸嵐暈靄清暉愴慮無殊謝客之忘歸也十里至師子口所有大石狀類狻猊故得此名又二里屆葛泐明時總管彭立忠駐所也又東稍南十里爲魚梁灘素瀨鳴幽綠峰迴景亂木藪崖長晝陰深所有故宋農洞長廢衙基陟洞晉田氏代雄茲土元世討服十八洞之一也初頗驚桀不受羈鞅故宋農洞蠻屢彰畔迹具聞前史其名字傳著則明史有田大蟲酉陽冉司使明洪武四年印牒傳宋農知州田世源皆其魁豪也宋農始終未通朝命知州是其僞號冉氏旣莫禡正又著之移

牒則亦勢力相比驟難控制姑假名號驕靡之耳廢徭然
有土王庶殿廡肅閔靈赫素昭歲時祠饗毛血霑庭田氏以
爲家祠而莫定所祀王名祿有傳指率猥陋亡證余謂宋
師贈思國公田祐恭功伐在鄉威讐谿洞卒後尤著靈跡
人相率築祠隄祭歷祀弭伏于觀爲祐恭墓銘曰死而不泯
神明與通旗幟顯隱恍然公逢谿彝震讐克靖四封按觀爲
祐恭同時人傳錄如此亮非虛妄舊時宋農諸田本思黔支
裔祖祐恭而沿習仍被土王之目亦猶楊氏祖再思而庶傳
土王也又其家傳言祐恭母初夢馬援入室乃誕祐恭及卒
人有見其乘白馬入援廟者故相傳是文淵後身今廟前楹
舊祀馬侯則事符曩迹尤彰灼驗循廟南行百餘步有康熙

卷二

地志

三十一

四十三年誓碑記製非雅而洞戶故實及頭領色目竝覽古

所樂觀耳

碑文曰自唐呂來口皇誥封口人田志舟受爵原

世傳忠効衆衙門設立口守洞分象養千百亮無不効本族
世代受恩原无充差之例近因甲戶均隨借族代當今族衆
議將祖遺庄口食田土地名龍潭壩老鶯崖乾溪壩二處地
方自立土退合約立誓盟經付交宗源田世君田朝姜之龍
等承領誓書受業輸差凡我本洞軍糧表貢襍項版冊差賦
一應頂領但管業之人子孫世代照規充當今本洞祈明衙
門俯准給碑爲憑此係二比和同亦非逼或各無翻悔差業
兩斷並無干染倘有日後子孫違誓悔業衆舉公道處治自
立碑之後陽有公法陰有神祇合甲之後共享本司昇平一
視同仁強弱公直不得捏滋故端相扶助助合爲一家承從
信誓口來興盛子孫口忠孝相傳共同患難久遠富貴萬
代昌熾立碑日後子孫相傳照依前口萬古知名永遠
爲記洞巡田應熊子仁俊田興孝子應鄉馬杵田應勤子仁
榮署事田良將子興通舊役田應熙冠帶田興惠云云提備
張口土舍田良帥云云其地又有廢塋一區碑翳藜榛文盡
總半戶田世君云云

殘蝕惟天授某年月數字略可尋辨唐武后弟四改元爲天

授則此固唐代遺壠也宋農在唐屬三亭縣奉號承朔久爲
內壤或說宋元以上未歸版籍非覈論矣邑梅水流逕土王
廟前又東受北來一小水五里至宋農場東拉沙水從南來
注之水源于穿河蓋石柱崖下崖形四方方徑尺餘略如削
成委植溪谷之底而首出山半不知其長幾仞也或云此水
卽三門洞伏流之委尋波無證靡得究焉水始出曰拉沙河
輕瀾漾縠碎石燦錦西北流合河壩水水出尖山下山附于
穿河蓋而危峰孤起銳上出雲頂結佛刹山僧言春夏間嘗
有雷火繞行寺中云以糞除夔罔清淨梵壇其實託地絕高
故靈氣易接詭談附依難可據信左席珍曉行道中望尖山
詩曰一峰高出碧山西干
仞懸臨不測谿殘夜霜鐘
清漢落曉風斜月亂鳥嘯拉沙水又北經勇洞受二小水土

卷二

地志

三十三

音讀勇如永道光中廛開新集遂改名爲永興場水屈東流
其南山澗紛出起亢家溪迄龍潭溪凡受十一水龍潭之上
爲狃狃溪顧甯人說平茶舊有五種夷一爲狃狃或其種人
散居于此故雖久漸華風而溪氓獠獠樸味仍昔又上有斑
鳩溪水流逕艸鞵橋下云昔有梁叟貧織艸屨爲業初憫徒
涉賣屨一兩輒留一錢積歲所貯豐積因施建此橋不著姓
名亦無碑誌居人惟名之艸鞵橋也拉沙水既滙眾溪波涂
漸廣晨濤瀉雨夕渚蕞煙釣侶罟師趁幽爰集水北列阜競
爽亭亭秀立連綿十八峰低昂略等若綠岫春茗參差流黛
藉水觀山雅盡眺睹之樂矣水東流屈北入上穿洞伏行三
四許里至下穿洞而出上下夾水竝重巖連壁峭削于文青

溪一綫若沈寔底而寒波澹素映翳空光自非日中月午恆多淒闇古琴銘曰山高谿深萬籟蕭蕭古無人蹤惟石窠巖此境正復似之蓋山水之幽奇者也縣中溪壑蕞攢頗饒佳勝若幹川水之黑洞落水之穿戶及茲二洞皆奇構異狀有類鬼工僻阻荒深故稀聞賞憩昔酈尉摛叙江峽自欣異獲以爲山水有靈亦當驚知己于千古余于茲數洞亦復云然洞東南萬佛山初名老燕山與隔水老鷹山相對爲傅後沙門于山上建萬佛寺遂改今名山爲穿河連體閎峻崖崖長林疏蔭連閣飛欄都出霞表鷹山因形起號高廣少減于萬佛而寵然上際亦茲鄉之望也拉沙水出洞北流爲張馬溪溪中居民舊多張馬二姓巖柯交綠渚艸蒙青林澗曠宋有

卷二

地志

三十三

助幽悒引湍又北逕昭武橋下橋身純石蓋千金之工此地初爲野渡道光時有吳賈傅垂昆過臨此渡榜人索錢貪橫無狀心積不平乃發願宏施工竣題爲昭武橋而不著己名垂昆撫州人州于五代時爲昭武軍公名郡人亦君子之閔慮也水于橋北受一小水水出茶園雷公坡下山雲興滅可驗雨霽今題爲望雲山矣穿河大坵二蓋延岡並勢若重藩夾障大坵蓋自身阻以下連峰波屬難可名悉此則旁附之支阜其西有高樓山州志著錄今乃莫能指目又西有貴山舊名鬼山永曆五年酉陽冉司使下坐寨許德齊令牌傅鬼山亮洞苗民田國保等訴乞安衛云云卽此鬼山也山形殘眇以託勢高壑蔚然森秀故爲一地觀表光明山又在貴山

西北五里初爲荒巘近歲刊石通徑結刹山頂寺基前凹橫
橋引步遠望藜柏交陰曲虹漏景亦偏方勝陟也此皆縣屬
崇蓋尋勢無舛餘不名者尙羸百數若強綴嘉號取悅遠聽
案地攷圖或樵夫笑士矣茶園水散漑塍咄餘波引流東北
逕龍鳳山西靈岫孤盤千空銳削秀巘攢荒倍見蒼蔚若迺
霞霽霜日清鐘始發林籟瑟聽嵐秀彌佳水屈東北至昭武
橋下與拉沙水合流入邑梅水岍南城牆堡故宋農散洞長
駐所基陟漫沒猶羃城名据田氏謹明時宋農置二洞長一
總一散竝屬西陽宣慰使司一統志曰宋農洞在州東南四
十里道里差誤疑南下奪百字耳邑梅水又東十二里爲雙
容灘辰酉舟師通呼灘石缺處爲容口言水稍淡廣僅可容

卷二

地志

三十四

舟雙容蓋亂石激湍平通二錢因受名矣十五里爲二過灘
迴流曲折驚濤壯聽迤南靈延山峻盤累仞晴黛靠合山涂
懸阻劣容樵步上建小祠供大士像病禱輒應土人依聲改
稱今爲靈驗山也邑梅水又東三里逕瓦廠岍北崇岡大隄
自窟泉至此蜿蜒起伏逾數十里皆連體木桐蓋什伯其峰
漫不得名幽淡荒闐之區罕所經履樵蘇躑躅結恨山靈矣
由瓦廠北陟爲窟門口重巘臨水元明以來西陽冉氏倚爲
邊隘有張將軍墓傳云明末流寇犯境西陽部將張柱石偕
打襖總管彭賢率兵階遏被創奔沒于此馬還哀嘶家人知
有異祝馬引步至則柱石握刀僵立目努須張卽坎土葬焉
馬因亦觸崖死遂附葬其旁至今猶存馬塚也据冉氏譜曰

永歷元年流寇入保靖酉陽宣慰使冉奇鑣命軍前監紀推官冉天澤督兵防邊柱石之沒當在此時邑梅水又東流五里屈石隄川阜糾沓地近荆楚一縣之阨塞也設縣後署巡檢于此北爲仙人崖石壁削削龍然臨水崖半方穴如鑿內度朱篋相傳乾隆中巡檢郭良相繼人啟視云皆蝌蚪奇書已而雷電交作皇遽趣下其人尋死或曰篋中惟人髮雞羽所聞異辭靡得詳也自崖以下重峽引流今謂之書箱峽水出峽口至小山下入酉水歸安周卜熊舟發石隄詩曰尙有天影落帆低家已離三日行將過五谿蒼茫雲樹外回首望川西酉陽蔡世佑舟行至石隄卽將抵家詩曰故鄉草木尙多情去後何堪歲更遠夢自今休泣別好山來此易知名人憐客路秋將老我喜歸舟浪不驚兩載離愁消一旦擬從閣外聽秋聲酉陽陳繼川泊舟石隄望仙人崖詩曰古洞何年秘篆留神仙蹤蹟總虛浮山疑蓬島眞難到地似桃源漫

卷二

地志

三五

縱遊一片閒雲沈絕壑半江殘照泊孤舟登臨未暇頻搔首紅葉蕭蕭正晚秋

平茶水源出縣西百二十里九峰寺東流卅八里至車田坡得地迷水迤北又東三十里逕師山下得峭溪水十二里屈三合場縱溪水自南來注之二十八里至鴛鴦嘴與邑梅水合

九峰寺縣之西界大山也阨岨嶇嶮夙傳荒險咸同之際黔寇時張此爲要防南合太陽山皆崇巘簇嶸廣袤數十里中灌木叢深人跡蕭條舊饒藥艸黃柏厚朴尤良采劘者時偃揭焉有二峰山爲川黔分界之處平列三岫岩巽如削其旁大屯崖傳云明時楊光謙平土寇藍二屯兵于此舊陞猶存此皆西邊之重隘九峰之連體山下細沙河濺濺嫩綠卽平茶水始源沱風以爲酉水西南源亦懸測之詞一統志及方

輿紀要竝以峭溪當平茶正源又云源出白歲山皆大誤也
水自山出細流如帶二十里屆岑龍得大坪水南爲蓮華山
形具蓮瓣亭亭如畫天然可愛其北卽白歲山高峰入雲歲
常積雪紀要云土人以山積雪則有年因被此名水去山下
才及十里故景范諸人皆謂平茶水源出于白歲蓋亦箐谷
荒虛人蹤稀絕未能遠溯九峰耳自岑龍東流十里逕杉木
林地饒名材斤斧常集春夏潦輿汎木乘流久爲西鄉資利
又東十里至馬溺洞得大溪水其北有峭樓二所康熙時吳
三桂反雲南東南騷動平茶長官楊秀新嚴兵邊衛築樓以
資瞭望茲其湮廢所遺也又八里至車田坡地迷水自南來
入之水源大火燄山東流五里受南一小水又東迤北爲黃

柏溪舊產黃柏山岷歲常相致獲利最豐至今種蒔尤繇十
里得小地迷水平茶故有大地迷小地迷皆土夷襍居改流
以後種戶彫亡而地存舊傳小地迷之南有天蒜險危椒秀
出肖狀爲名水又北五里得雁塘田堡二水又二里許入平
茶水二水大小略等惟九峰寺水較此遠逾二十里外故爲
正源齊次風所傳兩溪東北流而合蓋謂此也平茶水又東
得貴迷溪水五里逕隘口場舊爲屯戍要隘咸豐中黔寇卽
官踞貓貓山偏臨縣境綿州牧毛震壽督兵攻山嘗駐此策
應官道旁鈔開石穴幽曠嵌深廣容百人左右古木藂蔭冥
翳曦日今題爲青雲洞上結小閣祠奉大士爲明時遺構震
壽屯壘近之時來憇休畀資營飾益增雅勝稍西高霞洞亦

曰高家洞漢居山腹曲徑盤幽與附近乾洞水洞皆深廣可居千人爲徃時鄉人避兵之所而水洞尤險阨石門夾束一夫荷戈萬人趑趄昔楊昌時得銅首鎧于此洞中戴之覆盾未知何代物也又有官洞傍崖際水中室廣平石竇上通引照曦月明季士官楊勝吉嘗從征討成功歸來樂此幽奇游輒彌晷因流官洞之目平茶水又東八里得冷水溪水五里逕龍鳳場得南洛塘水平茶故有五種夷一爲南客言語侏儻大姓伍龍舒向也洛客形聲竝近南洛疑爲南客之譌又南有南洛溝洛亦客字之誤當因種夷叢居故塘溝竝受此名今平茶土巫致詞降神啁晰略不可辨云爲南客語其舊音之遺也塘西南爲虎山崖巖竦桀宋漳佑中楊光彤建牙

卷二

地志

三十七

門于虎山下卽此廢址猶存前有豬頭險古老相傳居者不畜豕後設七星堆厭勝之豕遂肥碩又有岑仰山一名岑架山見于景范諸人之紀云在平茶長官司西鬼然秀拔仰望可愛冉崇文謂山梁似磬之背故又題爲磬背山今土人惟知岑大山則岑架之聲譌也通志載岑仰白歲二山皆云在縣西二百二十里案攷疆域其誤灼然平茶水迤北得大寨水永有二源竝出大寨北叢嶂間其西爲佛峩山碧嶠嶠巖叢木密蔭寺中銅佛高二丈大數圍背有銘題漫滅略盡惟佛峩山雲峯寺六字可識雲峯其伽藍舊號也山寺佛會今光縣盤上有咸豐時鄉人避寇舊砦險阻可憑西爲三壘崖峭壁通連翠微俱秀亦屯保舊地近歲有樵人秦甲傅云

神見山中附靈巨石復有戴氏數歲幼男誤食水蛭夢神告
日記我僂當蠲除爾苦越日大具牲醴不藥而痊里人迺爲
立廟累神百里靈鬼求醮而妖崇無興雖曰淫祀不煩檄毀
矣大寨二水合流而南至兩河口得陳家坡水雙流夾鏡苞
隴縈畦地因爲名又東南樂重溝水入之引澗增波東流數
里又北合陶阮水其地舊多陶戶土穴猶存阮水東南流逕
興邦橋下爲石牛塘伏石橫流如犀分水至此與大寨水合
而東南注平茶水牛塘之東爲客寨州志因謂之客寨水但
源流俱舛較佗水尤爲糾溷平茶水又東北屆客寨逕永興
橋此橋建造最古洶湍夏盛再修再塌近復興構長亭翼然
夏題爲鍾靈橋矣橋西南數里龍秀坡下有潭舊廣百畝相

傳平茶長官嘗汎舟其中蘭橈桂楫傅爲勝游改縣後屢經
報墜列畛相望今潭僅盈數畝云下有潛靈故曰龍瓮場名
因之改題龍鳳取嘉號耳土人嘗取潭魚下施毒艸霆電俄
興黑氣上涌固知神物幽蟠事非虛妄道光中楊再文偕里
人建龍神祠于潭上旱禱輒應水出溉田約可百畝卓玉塔
龍瓮潭
詩曰行經龍瓮潭潭深不可測寬廣十畝餘倒影浮嵐碧旁
有垂釣者投竿憩潭側爲道古老言昔嘗歌滌滌田禾半焦
枯老農行太息潭水漸消滅遊鱗露其脊鄉人聚毒草竭澤
求之急萬鱗正窘困潭水忽噴溢大聲水上聞鄉人皆辟易
水涸魚亦盡雷雨極朝夕涇涇復一泓漲過舊苔石客寨有
方知龍瓮名實以蛟龍宅至今潭水中游泳恣鯉鱣

土官廢衙亦舊日酋領駐所矧有水曰官溝源出王家坪納
二溪流亦入于平茶水水又東流逕司城街卽平茶長官舊
治初駐虎山下移此未知何代雖霸跡榛荒川原寥闕猶累

司城之目稍北有高秀山翠嶂丹崖瀟灑表麗縣以受形改
縣初治三合場正對靈峰宜所馮蔭環山左右林巘嶙峋雲
嵐俱秀而此尤高竦土夷攷曰地多秀山聳翠插雲非躬履
循測未知爲信記也司南諸葛洞傳云武侯征九溪蠻宿此
石牀存焉又云侯于洞中以一握粟秣馬化爲石粟至今神
之案證前史說本無稽石粟云云尤涉荒恠甯人景范好采
異聞亦圖經依附之通蔽矣西北十數里連岡引障曰翠屏
山爲三江山之首本名斷頭巖言山勢至此嶄立若斷今土
俗忌改之爲轉頭巖若霜秋初霽嵐翠瀟幽寥空引矚正方
如屏平茶水自龍鳳場至司城街約二十許里又東北流三
里逕下衙得龍溝水下衙亦舊時土目分駐之所有元大觀

供眞武銅像明末平茶長官司奉檄從征遼陽屢獲神助因
范銅祀之相傳像至當二月三日令民斷葱和肉實米餌中
以爲供品自後沿習成俗今猶殷盛比禊祓之嘉會爲洞谿
之故事矣平茶水自下衙東北五里至師山下與哨溪合山
形略狀狻猊縣中山以此名者不下十數鄉氓好事樂附雅
名匪涉故實難從觀記哨溪水有二源北出南洛溝卽南客
溝洛客形近聲從字改也南源爲柏香溝引流數里合而東
受數小水今總名爲哨溪言水石澗激有聲如嘯嘯哨同聲
通用至驗涂尋波風泉滿聽足證舊名無舛矣但統志及景
范書皆云東流五里合滿溪今攷二源交流上皆五里馮籍
討津疑有一得若源出白歲之誤則地望遼阻無埃履測溪

水東流屈北經雲台山山形端秀明萬歷時即上建雲台寺
因爲山名今土音呼爲雲頭山言山見雲則雨降聲轉沿譌
遂成附會咸豐五年遵義殘寇吳某連眾道縣嘗屯此山吳
時託號義旅頗無擾犯故山寺保存山後闌干洞亦鄉人屯
保舊地砦壁尙完巖嶮林複可爲馮阻之資也峭溪水流屈
山東鄉氓作塌分泉引合樅溪溉潤所資久爲農利溪水又
北逕小河橋景范書有通蜀橋云在平茶司南跨峭溪上當
卽茲橋溪水過橋北五里入平茶水師山與雲台山嵐氣遙
通隔水相望故老傳言雲台鐘鳴則師山搖震至今僧侶嚴
戒雖梵唄誼林而寺鐘宗響師山下平沙際水每芳春晴日
清秋霜霽紫燕羣集互爲匹仇既迺飛去鄉人屢驗以爲元

卷二

地志

四十

禽來去之侯歷歲無差故題爲燕洲

由升堂詩曰輭玉溫香泥正融別來淡院又東

風金衣公子如相問家在垂楊畫閣中花飛蹴落舞筵時絮語嘵嘵兩鶻鴒訴盡春愁人不解珠簾風定午陰遲桐華時節正將雛上下頡頏總與俱綠野青疇無限好那還更向府中趨淡抹夕陽花塢淡翩翩一路好其音清池任漱啣香口綺閣高懸戀主心與君花下徑開三任久聞君語半諳烟景未輸王謝府不應絮絮話江南洲南卽峭溪

口也平茶水又東北得貴秘溪水貴秘或書作貴林形近誤
字又得美沙水十里屈三合場樅溪水入焉齊召南謂徑司
北又東北數十里俗曰嘉塘河有一水自南來注之卽樅溪
也平茶水至此又流嘉塘之目案文證俗故偁已杳樅溪源
出白羊坪間關山谷林複巖幽豁光媚宋徑通樵步透迤東
流屈北三十里納數小水至太平營與漢溪水合明天啟中
貴州紅苗滋衅平茶西界徧連傳燹時警長官楊昌允置太

平新營龍頭百占革回五營嚴兵自守年時縣邈遺阨荒虛
太平其舊號之僅存也漢溪水出燕子崖東流五里受南一
小水旁岍邨落多著城名舊時苗寇間發或數姓連伍結屯
自保故有四家八家之目水流東北逕清溪場八里入樅溪
環溪連塍接畛東西彌望平隰曠蔚夙俾饒沃若土膏春動
泉脈通流未露晨晞晡謳悅聽誠足匏弦邠謠園廬秦隱也
樅溪水又北五里屆三合場西場爲縣城舊基乾隆二年東
移今治閭廛未改猶成聚落場外二里有龍潭瀦水激寒湫
疑無底昔有漁師入水窮奧云中啟洞室進厯十層最後殷
殷有聲如雷皇懼而反又沙壩亦有一塘石梁中引左右雙
孔俗名龍眼夏至以後日或數潮噴泉四溢漫漫畦隴立陰

冬肅水迺澄宗咸謂神鱗蟄潛也紀要云平茶司治西有龍
潭水湫莫測此一潭竝近司城未知何指附場巨豐永豐二
堰俱萬金之工也平渠引旣利潤千頃故附郭西北諸鄉膏
腴俾最堰流比高諸水因飛梁受瀾空下通溪垂虹映波上
下奮響樅溪所逕曰五捲橋水出橋下又北流入平茶水度
水東北行十許里屆會仙洞洞非嵌嵌舊傳神棲有石中凹
若碗每晨出米平碗如槩足一僧食後僧增鑿石凹乃無一
粒至今近地故老多能言之故會仙名累洞下有泉亦入平
茶水又有神仙洞在貴秘溪北雲壑荒湫時聞恠變蓋木石
之精歲久致異非真玄流所翔萃也平茶水又東受三星堡
渠村諸水十五里屆貴圖卽鬼圖亦宋元舊名茶溪水自北

來入之水出三江山下南流得小茶溪水碧澗紆溪交流抱

沚原疇南做崇岡北翳茆煙渚靄致饒清曠吳永飛茶溪夜行詩曰遠火明

溪曲悄然霜氣淡西風墮空響黃葉下疏林雲暗南流迤東

屈平陶其北里許有洞出泉清冽亦入平茶水士人但名爲

出水洞盛旱祈雨亦頗著應平茶水又東流逕聯元橋疑卽

古邇恩橋也明一統志云橋在平茶司治東北蓋取共北承

恩之義紀要謂橋跨峭溪舊誤以峭溪當平茶正流故云然

耳水逕橋下東流十里爲長潭得一小溝水又八里屈鴛鴦

嘴與邑梅水合景范据土官疆域爲言其時鴛鴦嘴以北皆

西陽地故有東至西陽東南之文至合于酉水云云則顧氏

之臆謬無俟辨也

卷二

地志

龍潭水出西陽東界沐水巴耳諸峰間迤邐受眾溪水屈龍潭

鎮東南流二十里至雙江口而合溶水又五里至西秀橋入縣

境屈西南流十五里屈庶泉入邑梅水

邵塾以龍潭水當酉水冉崇文嘗辨其非圖經說地好附古

名此大蔽也水舊名涓書河齊次風又謂之眉子河今州東

有地名梅樹在龍潭鎮西可數里古老言其地故有大梅樹

地因爲名涓書蓋聲近誤字耳沐水巴耳皆西陽東境大山

亂綠叢煙延青虧景州同陳懷仁登巴耳山詩曰嵐光引我

尺寸人疑步履在虛空淡雲隱接連峯氣高鳥同山下眾溪

引注滙流逕蒲海合水碧河水又東至龍潭鎮通志因題爲

龍潭河從所經也張九錡詩曰溪迴山一角風物劇幽森蛙

學嬰兒語蟬調玉磬音壞雲峯潑墨急漲

水平林一逕不知鎮舊在梅樹乾隆時火林廬舍市無遺椽

處蕭蕭黃葉淡迺移今所酉陽諸集此為縣會水又東南至雙江口溶水入

焉下流五里屆柏蠟園嶧嶇峽束一徑蛇引東為木桐蓋西

卽三江山之尾馮崖易阻可為守險之防也有小溪逕酉秀

橋下酉秀之名以縣與酉陽分界于此州縣皆分里繫民橋

之南北竝屬小江里改流時割酉陽諸地益縣小江一里延

袤殊廣遂兩分之酉秀各占其半至今民間訟獄嘗致歧溷

隸胥或緣為奸亦民吏所當知也龍潭水流逕橋西又南屆

小浩迤東會巘連峰積黛黏天皆木桐蓋也南有馬鬃險垂

厓際水阻隘可守同治二年粵寇李復猷掠燒龍潭鄉人結

團屯保于此水流稍西緣險屈曲又南逕官寨至廟泉入于

邑梅水官寨黃氏自言為宋黃庭堅之裔庭堅謫徙黔州第三子都從來黔州人秦宗徹以女妻都後從冉氏入酉陽以征南客犵狁諸蠻積功授總管駐官寨子姓散居今廟泉絞白諸黃皆其苗盾也

溶水出貴州松桃北界十字路東北流二十里至椒關入縣境十五里屆乾田壩得北來一水三十里屆溶溪得李家溪水曲折南北流十里逕眞武山下又北東流三十五里屆井江口入酉陽界又東與龍潭水合

明史地理志溶溪芝麻子坪長官司注云元溶江芝麻平茶等處長官司益元司地大明因分平茶溶溪置二長官皆楊氏為之畫界依三江山山南屬平茶山北屬溶溪其後溶溪

五姓苗亂楊氏亡命酉陽以吳思義充溶溪沿邊一帶總洞長督兵討平之地歸冉氏洎改流時損益土版始復爲縣境故統志諸書述溶水源流俱入州界蓋以此也水出椒溪西南十餘里松桃北境諸山中一統志曰源出何家山東南流至三江口入疊溪何家山在今井江口爲溶水所經非導源之山也東南入疊溪云云則溶水龍潭水既合以後之流專屬諸溶亦統志之疏耳椒關在椒溪東縣與松桃分界處隋石阡東隘通行步勢盡邊要故亦受關名溶水至此迤北東流八里受白沙大井二溪水又七里至乾田壩一水自北來注之水有數源出州境轎子頂山玉篇小車曰轎後世通謂筏輿爲轎也山形肖狀爲名高二三十許里周迺五六十里連

卷二

地志

四十四

跨松西立冬積雪凌春猶寒舊饒藥艸雖巖莽幽深而斤鉏靡歇南有中華山亦蒼然特峻仄徑蟠虛嫋煙一綫迤北爲桐麻險則彌望藜荒行李殆絕曉景淒谷夕光闔樹林風疏聽不悲白栗諸山之間巖迴澗複引溜紛注會流南逕茅坡溪清水塘可三十許里皆兩山峽岨古木千章大或十圍闐絕人跡雞犬罕音又南流屈魚泉壩受一小水逕鎮南關西入于溶關跨黑溪溝爲黔蜀通逕馮險足守咸豐末州牧王鱗飛荆建四隘此其一也溶水又東流迤邐受眾溪水十里入穿戶崇崖交阻空蔭通波高廣十數丈水逕其下積爲澄潭綠芳細石沿流容步翳蘿陰深閼幽終古自非西光倒映罕見曦日若春夏盛流泉潦汎集津梁絕涂則此爲夷徑焉

水伏行里許又東流五里逕高東廟得漆園壩水水出鄔家
蓋南流十五里入溶南爲鹽井溝舊有井云可煎水成鹽有
小水亦入于溶溶水又東北流十二里屆灣潭旁卽芝麻子
坪明長官司廢治也故老僅傳舊名不得司治所在平楚荒
淒煙墟淡宋證案前聞略獲髣髴西北有都基峭南有回星
峭竝土官屯保舊地回星在三江山頂西去二十許里爲蠻
狝砦蓋平茶種蠻故居或謂卽景范書之岑沙苗砦顧氏云
明嘉靖二十七年大征叛苗分兵屯平茶地架二營剿境內
小平茶地崩岑沙苗地龍庭地隆箐五砦地隆箐一統志作
地隆阡亦元代討服十八洞之一也土俗方語恆著岑僑若
岑團岑仰意取成詞俱無溪義此則山多沙石因流岑沙之

卷二

地志

四十五

目溶水又東北流二里得李家溪水水出酉陽南界分水隘
峭壁通連石氣長陰東西二水共隘別源東流入州境楠木
莊西卽溪水源也南流受苦竹坪米家溝諸水逕太平橋又
南得平溪溝黃家店楠木溪諸水逕馬鞏山又南流逕帽山
東山竝峻竦皆以形似受名帽山有洞舊傳爲米神所棲祠
祀最盛禮追先嗇著于祀典米神之說爲誣誕也溪水又南
屆溶溪場逕清晏橋下入于溶近水有黃楊一株相傳爲數
百年物蚪枝四出交蔭潭水光緒十五年大水折樹枝壘橋
石鄉氓犯之輻病咸詫爲神秋潦汎漲始從漂沒人心好異
一倡百靡邪崇屢之遂興妖妄火禍木孽取鑿人事但新睹
聞非五行之要指也水南玉屏山方平如削蒸嵐成秀山有

鄉人避寇舊砦有小水出山下北流為油蠟溪吳熙奎溪居詩曰一溪淺

淡花兩岫往來路花開不見人人語知何處又溪行襍詩曰片片楊花點綠苔青山遙映白雲隈水紋恰似春愁起綠縷

千層撥不開西林殘月散清光隴陌離離稻正黃人靜風微天未曉滿身涼露桂花香逕入官砦亦明

時士官屯保舊地水又北流入溶溶溪西北廿里有林都司

墓都司武人雅樂與文士交游嘗出柳州破敵圖徧徵題記

頗多雋藻披文流覽可略識其風趣矣新水黃雲鵠贈林春山序郎題其柳州破

敵圖日軍興以來楚人士以戎馬起家位通爵者樞曹吏至不能舉其籍以予所識忠勇明毅無愧于城腹心之選者益

不乏人林春山其一也客歲予由兵部出守雅州時春山權

黎雅營游篆與共事近一年最相得其人忠實幹練明義利

之辨予淡倚昇春山亦信予拙誠遇事竭盡心力雅人安之

會代期至予與鄂容齋觀察丐留于大府幸獲命雅故瘠區

所以輔予者皆關係大誼無私焉予甚賴之嘗以事偕入山

夜分述往事相對泣下蓋忠義之氣不以邊陲少衰暇輒就

君論天下大故且詢軍中所聞見君因出柳州破敵圖屬題

卷二

地志

君同時入尺籍者多起為大帥君最先出位不顯然同列雅重之平生戰功偉且多柳州其權輿也吾曹盡心所事茹苦分也不忘其茹苦之始冀垂示子姓亦情也諸君子既樂與張之矣予不復及惟念宦跡無常良交匪易以吾與春山相知之淡相得之厚若得常相助為理時以大義相扶持當不徒吾兩人樂事已也世故未息吾儕各有不容己者在題此圖訖默默

者久之 溶水又東北越州境曲屈或南或北俗曰太極水

十里復入縣界逕真武山山上舊有真武祠為元明遺構叢

棘荒殘猶存廢趾或云山具人形其石趾延出橫錯江瀨狀

類龜蛇故山得此名臨水犀牛塘寬可數畝四時渺綠傳云

有牧人嘗見犀出塘中前與牛鬪驚評即復入水後亦無更

見之者溶水又東北五里得南來一水水不一源俱出三江

山下複流北引至龍洞灣入溶南有青龍山石壁峭連盤徑如綫同治二年鄉人屯結避寇于此壘壁存焉山北尖峰陰

亦鄉氓結保舊地溶水又東北屈井江口逕何家山下屈曲流十餘里而來入龍潭水也

酉水源出湖北宣恩縣界流逕來鳳漫水司入卯洞伏流至百戶司出又南經酉陽界屈紅巖洞入縣境

漢書地理志武陵郡十三縣充第十三注云酉原山西水所出酈氏水經注亦言酉水導源故武陵之充縣酉源山漢書順帝紀永和二年武陵蠻叛圍充縣注謂充縣故城在崇義縣東北崇義隋所立也唐麟德中併縣入慈利李兆洛云充縣在今安福縣西今攷水經澧水亦出充縣西歷山漢書充縣注歷山澧水所出齊召南言澧有南北二源其北源出今宣恩縣之東北山曰鶯嘴荒流逕安福東境又東南至慈利

卷二

地志

四十七

縣與南源水會其爲故充澧源較然無疑自顧祖禹洪亮吉齊召南皆云酉水爲今北河其源正出宣恩東門關下則澧西二水同方別源案籍可證驗途尋波千古無舛矣雖山川綿隔不得所謂酉原山然其蟠岨秀雲通嵐傾霧殊名莫究攷地靡差次風旣得澧源於宣恩不因以考酉水所在而以平茶邑梅二流當酉正源使非酈顏二書灼然畱證則荒莽虛深闕疑終古乃知圖書來告欣賞爲多不徒山水有靈驚歎知己也酉水東南流逕來鳳境至漫水司元明土官廢司也伏流入卯洞冉崇文以爲卽古之酉洞卯酉二字篆文作𠂔𠂔形近易譌故稱名乖誤酉水潛行至百戶司復流出山洞室空深垂巖上際人蹤虛阻靈境髣髴所謂藏書之穴

歟酉水又西南流入酉陽界逕酉籌卽古酉籌洞地元世所
討十八洞蠻之一也酈書言武陵有五谿謂雄谿楠谿辰谿
無谿酉谿夾谿悉是蠻左右而居故謂此蠻爲五谿蠻也酉
居五谿之一舊蠻種落至宋元猶蕃酉籌洞及下流之打襖
家洞魯碧潭洞皆窟宅也酉水南逕后溪場齊氏書及一統
志並謂之后溪河明史土官傳言邑梅楊勝剛刦酉陽號召
宋農后溪諸蠻卽謂此也酉水又南流至紅巖洞西秀於此
分界自百戶司至此可三百許里連峰峽岨湍波傾響舟筏
汎集引注沅湘爲通津焉

南流二里得亂洞水十二里厠上漁潭得麥家河水又南屈西
十五里得三會溪水又東南八里厠石堤邑梅水自西來入之
又東十五里入保靖縣界

水經注曰酉水東南流逕無陽故縣南又東逕遷陵故縣界
遷陵於今保靖地也無陽旣在遷陵上游當爲今龍山來鳳
諸境然水經沅水東逕無陽以今地理證之南北乖阻李申
耆云無陽在芷江東南則明非酉水經流漢縣疆域遠或千
里近皆數百里故籍荒殘尋圖靡證非竹素之舛譌或酈尉
之偶疏也酉水自鞞底凹引流稍南其西爲亂洞攢崖叢幽
亂流瀉藍故有此名洞水三源一香樹灣一燕子巖一黑鉛
溪燕巖西爲卡房坳明季土官守隘舊地也永曆九年流賊
犯保靖酉陽宣慰使冉奇鑣立防諸邊此坳先守其軍前監
紀冉天澤拒寇出境大有斬獲坳南營上坡亦連屯結

所燕巖水東流至亂洞與二水會黑鉛之名傳云土官時嘗采鉛溪旁土人惡其傷鑿地脈建川主祠以厭鎮之今泉流未改故祠猶在而井穴傾湮莫知舊蹟所存也溪水曲屈數里空岫常陰眾流迸注逕亂洞又東入酉酉水南流二里屆古牛崖崖浮波心動蕩如生高約三丈許長又倍之自崖以下石落交映純爲黛色左右得二小水又南十里屆上漁潭復有數石高低相望並出水外細艸茸青隆冬猶蕃山潦方集洪波汎漲而石痕如故亦一奇也岸東爲麥家河水源出八面山之武功田王象之輿地紀勝云荷敷山在黔江縣東一百八十里延入溪州三亭縣界廣袤二百五十里高十五里三亭唐所置也兼有今保靖龍山地黔江東境接酉陽旣

卷二

地志

四九

非故三亭連界亦無此二百餘里大山八面山蟠丹顏翠跨連荆蜀當西秀來龍四界之壤宜爲古荷敷矣因黔江有山亦得八面之名故王氏誤載耳若其縣岡通領積黛長寒午晴霜旦彌望空陰巖秀春綠乃在丹霞之表茲固境內名山東偏巨鎮也至乃岫谷淒深山林虛曠馮高阻阨勢盡邊險又萑苻之所宅也武功田居山之陰山下溪泉南引十里得上達巖蠟二溪水又南受冷水溪水至猓猓洞南流屈西合下達溪吳家溪諸水而西逕龍拱坡石逕斗狹行李阻稀谿岷山客時尋樵步溪水至此爲麥家河傳云明時土目彭栢坤生九子散居溪洞各長一溪其第五子立綱駐此溪中後乃改從麥姓子孫蕃息故水受此名也溪水至此西流入酉

酉水又東南二里逕漁潭溪得煙廠坳水水北流屈西入酉
酉水五里屈打繞岩舊名打襖家洞亦十八洞之一也沿岬
數壙石擲中空云爲土酋遺兆疑發掘所餘也酉水右受數
小水又南屈西五里逕雞公崖危石傾哆狀肖雞口常有白
氣從口吐出散縷成霧彌延河渚則山雨立降土人屢占靈
於龜筮矣崖下里許卽三會溪水源不一並出木桐蓋下頽
波響谷傾湍交注故流三會之目溪水東流入於酉酉水又
東南逕龍隄菟岫西雙行途絕步鄉老白公常施置渡筏人
獲利涉白氏龍隄渡田記曰余縣東偏山谷阻深有水漫演
澱泓通流自楚方志以爲古酉水也水繞余宅又南
流數里曰龍隄激潭瀉波蕩映空光旁阻重崖樵步殆絕望
洋徒返行子傷勞往時鄉人嘗置渡舟未設經費舟戶貧辛
時有乞索難云利涉矣余愀然憫之因邀從子登泰各出私
產俾資渡夫室家一歲之食凡土田值錢若干并記別石冀

卷二

地志

五十

垂年祀或曰律令民士助資濟公及銀千兩者許疆臣入告
例得褒典今海隅承風雖縣阻偏荒民間以輸公被美旌者
相望以公高義宜上有司嗟夫丈夫生世間當與大利建大
議澤及天下後世否則一縣一鄉博施濟眾亦皆有不客已
者在若今日之事其小之小者何高義之足云况曩吾亡
弟實發此謀未及措施賫志幽壤以屬吾長男又復天逝端
居維念心如焚灼余年垂就木深懼茲事遂弗獲成罔慰靈
魄又慮後嗣或有不肖善罔克終爲戚戚耳至於談惠濟觀
也上賞非所聞其東有婆婆山連嶺荷敷雲巘別高上建玉龍
寺寺旁石室舊祀土神題爲西谿柳洲樂氏娘娘傳云宋時
西谿蠻叛樂氏率兵討平之蓋亦巾幗雄姿伏名荒翳石柱
秦女之流也山半嵐氣時蒸非煙非霧空素濛濛望如絮團
漸高卽入石室中晴宵月夕山僧多見之或以爲神之靈也
酉水自龍隄南流五里逕伏波祠下後漢伏波將軍馬援征
五溪蠻屯軍壺頭山勞苦功高垂沒瘴鄉故今溪洞民俗舊

祠猶競祀馬侯也荆州杜愷曰五代時馬希範嘗平溪州

立銅柱此方宜祠希範漢文刻石立之祠中碑文曰漢五代

州刺史引羣蠻寇澧楚王馬希範遣兵討平之羣蠻服居

民獲安王自謂為伏波後以銅五千斤鑄柱立之溪州伏波

將軍征交趾此績最著王則召學士李弘皋銘其功烈而作

頌焉溪州今湖南永順縣地銅柱巍然尚存石隄道里相望

伏波廟當是因楚王而設土著民人馬白彭李蔡田六姓奉

為家廟馬氏或王之苗裔與第考史氏所載楚王繼伏波而

起則楚王之功一伏波之功也石隄被其餘澤久矣今伏波

有廟而楚王不與是使王以推崇伏波之故奕世而下知有

伏波而不知有楚王已怨惘之矣伏波有靈猶歆其祀

否乎爰於伏波座前為楚王設立神主拜以朔望享以春秋

主祭者官廟仍六姓之舊無庸深辨於以徽福於二神之靈

俾土民客民同敦親睦無相攜貳感召祥和之氣永登社席

之安貞珉既夫禮紀祀典詳論功德希範驕淫之虜使有祠

立千秋永垂

廟方在檄毀之科宋思州刺史田祐恭威服蠻夷卒時人見

其乘白馬入馬援祠相傳是援之後身此事見於宋人載記

卷二

地志

及田氏譜牒則文淵舊祠徧於思費諸州自宋已然杜氏偏

崇希範所謂一孔之識難與深談也酉水南合邑梅水二水

交處謂之兩江口屈東逕攔河寺今日鎮江寺石梁雙波積

勢爭流因被攔河之名又東流十餘里夾岸嵐岫紆深溪泉

通注屈張家壩入保靖縣界右得蠻莊水水源穿河蓋下北

流屈東至廟嘴其後山有石壘廢蹟鄉人結保舊地也又東

受魚洞水水伏行洞中游鱗常集罟師釣徒乘流爰止蠻庄

水又東北流至張家壩入於西北岸為龍山界有上下龍巖

初縣與龍山定界惟曰龍巖上下相去其間饒有山林之利

故兩縣民以爭地起訟至煩大府履勘今水北山谷中有川

林界碑鬩分榛棘剝落殆盡酉水又東屆保靖縣域西有松

桃水由秀山東南境引流注之水經注曰更始水亦謂之西鄉谿谿水間關二百許里方得出山又通波注遠復二百餘里東南入遷陵縣也又云西鄉谿口在遷陵縣故城上五十里左合酉水保靖旣爲遷陵故壤而此水源流長遠紆行山谷當卽更始舊津矣洪亮吉言更始水至保靖縣界入酉雖馮籍討流未能明指今水所在然亦可以證地望之靡舛也乾隆時於水旁立松桃廳因相承謂之松桃水源出廳境三洋溪巖岫複煙石泉嫋素湯湯南引承滙眾流六十里至兩河口得孟溪水或云卽古之櫛溪漢五谿蠻之一櫛孟聲轉異字也咸豐寇亂茲鄉不靖虔劉所遺煙火蕭然矣松桃水又東北廿里入縣南九江里逕雲羅聖爲牛角河得縣境二

水水不一源並出總嶺旁近奔流數道林巖空響楊芳舊廬在二水之間其孫忞字陶庵風雅好文澹情膺仕雖承爵通侯而幅巾芒屨嘯傲自高今流風長歇山水重過猶覺歎賞之彌襟也松桃水又東十里逕松桃廳城猶縣地也自此凡行百餘里復入縣東南境得石浦水水源松桃界之忠壩北流至羅布入縣境有川黔界碑又北屈東逕桂坪屆也架營北合六堡大貴得小貴得碧高得弄化濟諸水水並源牛角山下嶽巘迴景藜壑陰荒南望阻深通連苗峒故也架安營以爲守險之防也石浦水又東逕老李溪溪水出穿河蓋至平馬合紅巖諸溪水有火星山相傳山旁居人時見火災鄉氓於上鑿方井注水以厭勝之廢井存焉溪水南流入石浦

石浦水又東逕象鼻崖入松桃水垂崖際水中空受波因被
斯稱其上卽洪安汎爲松永與縣三界之地乾隆時苗亂洪
安及老李溪皆其蹠迹縱橫之場也松桃水東流十五里逕
峩溶得蠻冲水水出得勝坡總兵袁國璜征苗嘗扼此建功
鄉人因改山名其下卽蠻子冲水自蠻冲流出屆三溪口得
西來二水又南經鐘鼓巖山石礪犖咫尺異響金木匏革應
手成音若非躬履密驗或疑虛妄矣巖西有温泉瀆沸若湯
氣蒸曲澤引流合蠻冲水其東龍潭冲沙子坳山隘足守皆
稱天險坳旁復有一溪亦入松桃水縣與保靖永綏於此溪
口分界松桃水東入保靖境至其縣西入於酉嵯峨夾壅酈
氏所謂西鄉溪口也酉水又東南屆沅陵入沅關駟謂之受
大名也

附秀山古今寺刹

護國寺在平塊去縣南五里康熙八年建

舊名大興寺後爲酉陽宣慰使冉奇鑣重修改題今名所施
常住田碑記猶存寺僧顯者曰埜愚曰自休曰吼堂曰履雲
埜愚戒律精嚴自休其高弟也吼堂履雲並以詩名

迴龍寺在城北康熙時建

釋六劫焚修之所自言六世爲僧故臨沒先知死期寺基臨
江面郭林壑尤美

傳燈寺在鳳凰山明萬曆三年建

舊爲板屋三椽云元初楊金瓚學道煉丹於此今寺後靈官殿其故基也

復興寺在新莊宋建炎時建

相傳宋西陽知州冉守忠施建此寺初名觀音寺明嘉靖時復修改今名

迴谿寺在馬蹏溪明時建

舊亦曰迴龍寺今時改名

白雲寺在城北

凡六寺 南洞里

雲峰寺在佛峩山乾隆卅八年建

卷二

地志

五十四

寺中銅佛傳云平寺基得之土中背有銘辭數行漫滅殆盡惟佛峩山雲峰寺六字可識

化城寺在縣西六十里明萬曆時建

明平茶土把總齊建國叛置此寺其後總管吳文重修

雲台寺在縣西四十里雲台山雍正時建

今土音呼爲雲頭山以爲山頭雲見則雨立降

毘盧寺在縣西三十里宋時建

相傳宋理宗寶祐初平茶承化軍民土知府楊光彤平苗開基建毘盧寺以度戰亡死者

崇林寺明正德時建

釋雲鼎善醫藥嘗住崇林寺中施治病者其效如神土人相

稱爲聖僧云

廣福寺在縣西南三十里

樂善庵在雲台山康熙十六年建乾隆卅六年重修

康熙中釋培知結庵焚修一日方鳴刹有女子入道場眾訶止倏忽不見咸謂大士化身至今庵中檀施猶盛

崇福寺明成化中建

相傳平茶舊名崇福故寺著此稱

雷音寺在縣西三十五里

西林寺在縣西六十里明天啓三年建

大佛寺在縣西四十里

凡十一寺 平茶里

卷二

地志

一五十五

廣濟寺在邑梅西門明時建

土人言此寺爲宋元古庵至明始定今名

永樂寺在馬路口鍾靈山明隆慶時建

初名觀音寺明萬曆十年改曰興隆今嘉慶時改爲重華寺

道光後易今名

凡二寺 邑梅里

迴龍寺在石耶明天啓二年建

通志云釋六劫坐化於此寺中或云在城北迴龍寺莫能詳也

蓮華寺在縣南三十里

精華寺在縣南三十里

寺爲明日月宮故址康熙時改修
翠屏庵道光時建

普鳳庵在中寨同治十二年建

凡五寺 石耶里

延齡寺在三合場明時建

釋通知嘗於寺開十方堂大講戒律緇流雲集

蓮花寺在地壩康熙十六年建

大悲庵在縣西七里

初名茶亭寺有老僧施茶於此數十年不怠同治二年里人
於舊寺拓增之

凡三寺 地壩里

卷二

地志

五十六

順德寺在乾元山雍正時建

柏林寺在光明山光緒十年建

一名蓬萊寺饒林木之盛

興隆寺在縣東四十五里

天成寺在杉樹壩乾隆時建

興靈寺在濫泥灣光緒六年建

龍鳳庵在宋農

凡六寺 小江里

興龍寺在麻兔莊乾隆五十九年建

鹿野庵在溶溪道光二十四年建

凌雲寺在縣北八十里明萬曆八年建

同治二年粵寇入境寺院焚毀

朝陽寺明天啓時建

轉興寺乾隆五十年建

凡五寺 日旗里

尖山寺乾隆時建

靈延寺道光時建

凡二寺 清平里

鎮江寺在寺堂山明洪武四年建

有洪武時建寺殘碑初茅庵 國初里人改修始易瓦屋道

光八年羅永常大宏檀施殿宇輝煌矣

凡一寺 月旗里

卷二

地志

五十七

秀山縣志卷第二